

# 東醫寶鑑

奎貴  
7608  
1  
18

| 奎章閣圖書 |                    |
|-------|--------------------|
| 部別    | 分類記號               |
|       | 圖書番號 <b>奎</b> 1933 |
|       | 一部冊數 24            |
|       | 內別番號 17            |
| 서울대학교 |                    |


東醫寶鑑

7667

醫學書

1913

大學校



雜病篇七

痲瘡

瘟疫

邪祟

癰疽

上





東醫寶鑑雜病篇卷之七

御醫忠勤貞亮扈 聖功臣崇祿大夫陽平君臣許浚奉 教撰

痲瘧

瘧病之源

內經曰夏傷於暑秋為痲瘧。○夏暑汗不出者秋成風痲。○秋善病風痲。○又曰魄汗未盡形弱而氣燦穴俞以閉發為風痲。○風成為寒熱。○又曰因於露風乃生寒熱。○風氣盛於皮膚之內不得通外不得泄膜理開則洒然寒閉則熱而悶名曰寒熱。○夏傷於暑秋必病瘧。○蓋傷之淺者近而暴傷之重者遠而深瘧瘧者久瘧也是知夏傷於暑濕熱閉藏而不能發泄于外邪氣內行至秋而發為瘧也。○瘧之為病以暑舍于榮衛之間得秋之風寒所傷而後發亦有非暑舍因風寒感冒而得之者在於陽則發熱在於陰則發寒并則病作離則病止作止故有時在氣則發早在血則發晏淺則日作深則間日或在頭項或在背脊或在腰脊雖上下遠近之不同在太陽則



東醫寶鑑雜病篇卷之七



御醫忠勤貞亮扈 聖功臣宗祿大夫陽平君臣許浚奉 教撰

痲瘧

瘧病之源

內經曰夏傷於暑秋為痲瘧。○秋善病風瘧。○又曰魄汗未

盡形弱而氣燄穴俞以閉發為風瘧。○風氣盛於皮膚寒熱又曰因於露風乃生寒熱。○風氣盛於皮膚之內內不得通外不得泄腠理開則洒然寒閉則熱而悶名曰寒熱。○夏傷於暑秋必病瘧蓋傷之淺者近而暴傷之重者遠而深痲瘧者久瘧也是知夏傷於暑濕熱閉藏而不能發泄于外邪氣內行至秋而發為瘧也。○瘧之為病以暑舍于榮衛之間得秋之風寒所傷而後發亦有非暑發寒并則病作離則病止作於陽則發熱在於陰則發早在血則發晏淺則日作深則間日或在頭項或在背脊或在腰脊雖上下遠近之不同在太陽則



一也。疎。○大法風暑當發汗。夏月多在風涼處。歇  
遂閉其汗而不泄。故也。○病氣如凌虐人之狀。  
又曰。瘧有凌虐之狀。在傷寒久則為壞證。  
在內傷久則為勞瘵。然則豈美疾哉。門。

# 瘧疾形證

瘧之始發也。先起於毫毛。伸欠乃作。寒慄鼓  
額。腰脊俱痛。寒去則內外皆熱。頭痛如破。渴

欲飲冷。○夫陰陽上下交爭。虛實更作。陰陽相  
移也。陽并於陰。則陰實而陽虛。陽明虛則寒。慄鼓  
額。巨陽虛則腰背痛。寒生於內。故中外皆寒。陽盛則  
氣勝。則骨寒而痛。寒生於內。故中外皆寒。陽盛則  
外熱。陰虛則內熱。始發也。陽氣并於陰。當是之時。陽  
也。○夫瘧之始發也。陽氣并於陰。當是之時。陽  
虛而陰盛。外無氣。故先寒慄也。陰氣逆極。則復出  
之。陽陽與陰復并於外。則陰虛而陽實。故先熱而  
渴。夫瘧氣者。并於陽。則陽勝。并於陰。則陰勝。陰勝  
則寒。陽勝則熱。○衛虛則先寒。榮虛則先熱。表  
邪多則寒。裏邪多則熱。○衛虛則先寒。榮虛則先熱。表  
邪。○人之榮衛晝行於陽。夜行於陰。難。○榮  
衛行到病所。不通。乃作寒戰。鼓振頭額。中外皆寒。  
腰脊俱痛。此邪氣入於內也。寒戰俱已。內外皆熱。

頭痛如破渴欲飲冷煩滿欲吐自汗此邪氣發於外也。○暑瘧單熱濕瘧多寒寒瘧先寒後熱風

皆先寒後熱餘

### 脉法

瘧脉自弦弦數多熱弦遲多寒弦小緊者宜下之弦遲者可溫之弦緊者可發汗浮大者可吐之弦

數者風發也以飲食消息止之。○瘧脉自弦弦遲多寒弦數則為虛代散則死。○瘧脉自弦弦遲多寒弦數

多熱隨時變遷。○瘧脉多弦但熱則弦而帶數寒則弦而帶遲亦有病久而脉極虛微而無力似

乎不弦然而必於虛數之中見弦但不搏手耳細察可也。○弦短者傷食弦滑者多痰虛微無力

為久瘧。○瘧脉遲緩者病自愈。○瘧脉

### 寒熱先後

瘧理開發因遇夏氣淒淒之寒藏於腠理

皮膚之中秋傷於風則病成矣夫寒者陰氣也風

者陽氣也先傷於寒而後傷於風故先寒而後熱也病以時作名曰寒瘧。○先熱而後寒者由先傷於風而後傷於寒故先熱而後寒亦以時作名







則惡寒近前陽明燥則發熱故為往來寒熱也  
○甚者內外失守真邪不分陰陽迭勝寒熱互起  
則休作無  
定時矣

# 瘧發日數多少

夏傷於暑熱氣盛藏於皮膚之  
之外因秋遇風及得之以浴水氣舍於

皮膚之內與衛氣并居衛氣者晝日行於陽夜行  
於陰此氣得陽而外出得陰而入內薄是  
以日作○衛氣與邪相并則病作與邪相離則  
病休其并於陰則寒并於陽則熱離於陰則寒已  
離於陽則熱已至次日又集而并合則復病也  
○其間日發者由邪氣內薄於五藏橫連募原也  
其道遠其行遲不能與衛氣俱行不得皆出故間  
日乃作也○時有間二日或至數日發或渴或  
不渴其故何也曰其間日者邪氣與衛氣客於六  
府而有時相失不能相得故休數日乃作也瘧者  
陰陽更勝也或甚或不一年或間日一發者受病  
日一發者受病一月二日連發住一日者氣血俱  
發者受病一月二日連發住一日者氣血俱受病  
也又曰三日一發陰經受病也最重○陽為府

邪淺與榮衛並行一日一發。陰為藏邪深橫連  
募原不能與正氣並行故間日蓄積乃發或三四  
日一發久則必為瘧母也

瘧發有晝夜早晏之異帝曰其作日晏與日早者何氣

一督而下衛氣一日一夜大會於風府其明日下  
則滕理開滕理開則邪氣入邪氣入則病作以此  
作日稍益晏也其出於風府日下一節二五  
下至融骨二十六日入於脊內注於伏膂之脉其  
氣上行九日出於缺盆之中其氣日高故作日  
早也○陰為夜發邪深榮衛夜行胃與腹故也○陽為  
子時至巳陰為午時至亥如發寅卯而退於未申  
或發未申而退於子丑皆謂之陰陽不分須用藥  
趨早或移時分定陰陽然後陽瘧截往陰瘧升散  
入○從卯至午發者邪在外也從午至酉發者邪  
在內也從酉至子發或至  
寅發者知邪在血分也

六經瘧

夏傷於暑秋必病瘧初不知何經受病隨其受

氣其證各殊在太陽陽經者謂之在寒瘧治多汗之在

陽明經者謂之熱瘧治多下之在少陽經者謂之

風瘧治多和之此三陽受病皆謂暴瘧發在夏至

後處暑前此乃傷之淺者近而暴也○在陰經者

則不傷之三陰皆謂之溫瘧其發在處暑後冬至前

此乃傷之重者遠而深也瘧者老瘧也故謂之

久瘧○傷寒餘熱未爭重感於寒而變瘧名曰

溫瘧亦曰風瘧此為傷寒壞病其證先熱後寒

○瘧屬三陽宜汗宜吐瘧屬三陰宜下宜和宜溫

○瘧屬太陽瘧宜桂枝柴胡湯○瘧屬少陽瘧宜柴

胡桂枝湯○瘧屬太

陽瘧宜桂枝湯○瘧屬少陽瘧宜柴胡湯○瘧屬太

陽瘧宜桂枝湯○瘧屬少陽瘧宜柴胡湯○瘧屬太

陽瘧宜桂枝湯○瘧屬少陽瘧宜柴胡湯○瘧屬太

陽瘧宜桂枝湯○瘧屬少陽瘧宜柴胡湯○瘧屬太

桂枝羌活湯

治太陽陽瘧自汗頭項痛腰脊強桂枝羌

活湯以和之○瘧屬少陽瘧宜柴胡湯○瘧屬太

陽瘧宜桂枝湯○瘧屬少陽瘧宜柴胡湯○瘧屬太

陽瘧宜桂枝湯○瘧屬少陽瘧宜柴胡湯○瘧屬太

陽瘧宜桂枝湯○瘧屬少陽瘧宜柴胡湯○瘧屬太

陽瘧宜桂枝湯○瘧屬少陽瘧宜柴胡湯○瘧屬太

陽瘧宜桂枝湯○瘧屬少陽瘧宜柴胡湯○瘧屬太

陽瘧宜桂枝湯○瘧屬少陽瘧宜柴胡湯○瘧屬太

陽瘧宜桂枝湯○瘧屬少陽瘧宜柴胡湯○瘧屬太

陽瘧宜桂枝湯○瘧屬少陽瘧宜柴胡湯○瘧屬太

煎服

麻黃羌活湯

治太陽陽痿無汗即前方去桂枝

柴胡桂枝湯

治少陽陽痿寒熱乍往乍來柴胡二錢桂枝黃芩各一錢甘草五

分右剉一貼入薑三棗二水煎服

柴胡加桂湯

治少陽陽痿往來寒熱極驗柴胡三錢黃芩桂枝各二錢半夏一錢甘草四分右

剉作一貼入薑三棗二水煎服

白虎桂枝湯

溫瘧者其脉如平身無寒但熱骨節煩疼時便難朝發暮發朝解此藥主

之石膏四錢知母二錢桂枝甘草各一錢梗米一合右剉作一貼水煎服

麻黃白朮湯

治風痿麻黃桂枝皮青皮陳皮川芎白芷

檳榔甘草各七分剉作一貼入薑三棗二水煎服

柴胡四物湯

治三陰經溫瘧或夜發者柴胡生乾地黃各二錢人參半夏黃芩甘草川芎當歸赤芍藥各一錢右剉作

一貼入薑三棗二水煎服

桂枝芍藥湯

治瘧寒熱大作此太陽陽明合病也謂之經日汗出不愈知為熱也必戰動發熱則必汗

陰經宜用此桂枝一錢赤芍藥知母石膏黃芩各二錢右剉作一

貼水煎服

桂枝石膏湯

治太陽陽明合病間日瘧熱多寒少石膏知母各三錢黃芩二錢桂枝一錢右

剉作一貼水煎服之

桂枝黃芩湯

服桂枝芍藥湯後寒熱轉甚者知太陽陽明少陽合病也宜用此和之柴胡二

錢石膏知母各一錢半黃芩人參半夏甘草各一錢二分桂枝一錢右剉作一貼水煎服

瘧晝發夜發宜分治

益氣虛晝發宜六君子湯瘧方觀補中益氣湯方觀加半夏黃芩○血虛



夜發宜柴胡四物湯  
湯寒門麻黃芩湯  
柴胡見桃仁承氣  
湯諸

### 麻黃黃芩湯

治夜發瘧  
錢半桂心一錢黃三錢黃芩二錢甘草一

貼水煎臨卧服○桃仁一味苦甘辛肝者血之海血  
受邪則肝氣燥經所謂肝苦急急食甘以緩之桃  
仁散血緩肝謂邪氣深遠而入血故夜發乃陰經  
有邪此麻黃黃芩湯乃發散血中風寒之劑也

### 柴胡芎歸湯

治夜發陰瘧  
截瘧飲止之柴胡出陽分而散後服人參

梗當歸赤芍藥人參厚朴白朮茯苓陳皮各七分  
紅花甘草各三分右剉作一貼入薑三棗二梅一

水煎服

### 諸瘧證治

瘧有風瘧寒瘧熱瘧濕瘧痰瘧食瘧  
勞瘧鬼瘧疫瘧瘴瘧痼瘧老瘧瘧

### 風瘧

自感風而得先熱後寒宜麻黃白朮湯  
無汗則宜散邪湯有汗則宜正氣湯

### 寒瘧

自感寒而得寒多熱少宜人參養胃湯  
飲果附湯草果飲柴胡桂薑湯○一名乳瘧門交解

熱瘧因暑勝熱多得之一名瘴瘧亦曰暑瘧宜人參白虎湯柴苓湯寒防見柴胡知母湯爭功散龍虎湯

門入

濕瘧因冒襲雨濕汗出澡浴得之寒熱相半小便不利宜五苓散

痰瘧因外感內傷鬱聚成痰頭痛肉跳吐食嘔沫甚則昏迷卒倒宜柴陳湯加草果或四獸飲冷附湯久

不止以二陳湯藪飲截之門入○有人忽得瘧疾嘔吐其

常以二陳湯藪飲截之門入○有人忽得瘧疾嘔吐其

食瘧一名胃瘧因飲食失節飢飽有傷所致寒已復熱

磨二貼自然寒熱不作蓋白豆蔻能消能

名曰寒熱善飢而不能食食已支滿腹脹病以日作

勞瘧即久瘧也寒熱微寒中有熱熱中有寒最難調治由表裏俱虛真元未復疾雖暫止小勞復來經

年不差宜芎歸鱉甲散常山飲五勞元六和湯烏頭七棗湯露薑養胃湯十將軍丸一補一發丹辰砂元養胃丹諸○久瘧屬元氣虛寒蓋氣虛則寒血虛則熱胃虛則惡寒脾虛則發熱陰火下流則寒寒熱交作或吐涎不食或泄瀉腹痛手足逆冷寒戰如慄皆脾胃虛弱也但服補中益氣湯防觀諸

證悉愈若投清脾

### 鬼瘧

因感尸瘴客忤寒熱日作夢寐不祥多生恐怖宜辟邪丹雄朱丹或燒人塲土作丸塞男左女右鼻

中

### 疫瘧

一方長幼相似或染時行變成寒熱須參運氣藥宜不換金正氣散觀如意丹五瘟丹瘴疸丸

瘴瘧見

### 瘴瘧

挾山溪嵐瘴蒸毒之氣令人迷困發狂或啞乍寒乍熱乍有乍無南方多病此宜雙解飲子地龍飲

羌活蒼朮湯瘴疸丸防觀音元諸

痲瘧

者老瘧也以其隔三日一發纏綿不去也○三

少陰經瘧也作於寅申巳亥日者厥陰經瘧也作

於辰戌丑未日者太陰經瘧也瘧得於暑當以汗

解夫感冒與風皆外邪也故非汗多不解必先與

參朮等補劑為君加柴葛等發散藥漸而收汗得

汗而虛又行補養下體屬陰最難得汗補藥力到

汗出至足方是佳兆○老瘧係風暑之邪入在

陰分宜用血藥引出陽分而散古方多用峻劑恐

非所宜○若感病極深雖得大汗所感之邪必

自藏傳出至府其發無時必亂而失期若發於午

之後寅之前者血受病也為難愈須漸趨早亦是

佳兆故治此病春夏為易秋冬為難年不差謂之老

瘧必有痰水瘀血結成痞塊藏於腹脇作脹且痛

乃瘧母也雖內虛非常山櫟柳決不能除但須製

熟則不損胃老瘧丸是也血虛者宜鱉甲丸有水

癖者暫用消癖元以補脾化痰湯藥輔之且量虛

實用老瘧飲○老瘧宜七素湯鱉甲飲子

參歸鱉甲散秘方清脾丸經效瘧丹黃甲丸

散邪湯

治風癰初起川芎白芷麻黃白芍藥防風荆芥紫蘇葉羌活各一錢甘草五分右剉作一

貼入薑三葱白三莖煎  
露一宿早晨溫服

正氣湯

治同上柴胡前胡川芎白芷半夏麥門冬檳榔草果青皮赤茯苓各一錢桂枝甘草各五

分右剉作一貼八薑  
三棗二水煎服

交餅飲

治寒瘧即雙解  
飲子也防見

果附湯

治脾寒瘧疾面青振寒草果附子炮各二錢半右剉作一貼八薑七棗二水煎服

草果飲

治寒瘧草果白芷良薑青皮川芎紫蘇葉甘草各一錢右剉作一貼水煎服

柴胡桂薑湯

治邪在半表裏寒熱往來極驗柴胡三錢桂枝牡蠣各一錢半天花粉黃芩各

一錢乾薑甘草各八分  
右剉作一貼水煎服

柴胡知母湯

治熱瘧及瘴癘柴胡知母各一錢半蒼朮黃芩乾葛陳皮半夏川芎各一錢



草灸七分右剉作一貼入薑三梅二水煎  
清晨服午前一服久瘡加人參當歸

### 爭功散

治熱瘡多效知母貝母柴胡常山梔子檳榔  
地骨皮甘草各一錢蟬退二七箇右剉作一

貼入桃柳枝各五寸煎服未效  
加過路葛藤五寸同煎服

### 龍虎湯

治熱瘡火盛舌卷唇焦鼻如烟熏六脉洪緊  
石膏二錢半柴胡黃連各一錢半黃芩知母

黃栢各一錢梔子八分半夏七分粳米百  
粒右剉作一貼入薑三棗二水煎服

### 柴陳湯

治瘰癧瘡柴胡半夏各二錢人參黃芩陳皮赤  
茯苓各一錢甘草五分右剉作一貼薑三棗

二水煎服

### 四獸飲

治七情聚痰五藏氣虛瘡久不已人參白朮  
白茯苓陳皮半夏草果甘草烏梅生薑大棗

各一錢右剉作一貼拌鹽少許淹食頃以皮紙包  
裏水浸濕慢火煨香熟取出水煎服未發前連進

數貼即效



冷附湯

五更疾無過是痰實而脾胃弱停于胃膈所以

子一箇炮去皮臍右切片二分二貼每服一貼入

薑十片水煎去滓露一宿五更初冷服

露薑飲治痰癰生薑四兩連皮搗爛止取自然汁約

初澄者一上飲之或

有痰吐任之即安

平陳湯治食癰蒼朮半夏各二錢厚朴陳皮赤茯苓

秦二水煎服

清脾飲

治食癰柴胡半夏黃芩甘草五分右剉作一貼入薑

三秦二水煎服○此方乃小柴胡平胃二陳合而

爲一也一方加常山二錢煎之露服五更截癰令

人不吐爲妙○

一名清脾湯治胃癰厚朴二錢烏梅肉半夏青皮良薑

小清脾湯

各一錢草果甘草各五分左右剉作一貼薑

三棗二煎服效得

芎歸鰲甲散

治勞瘧鰲甲二錢川芎當歸赤茯苓赤芍藥半夏陳皮青皮各一錢烏梅一箇

右剉作一貼入薑五棗二水煎服

常山飲

治勞瘧常山知母草果各一錢半良薑一錢烏梅肉甘草各五分右剉作一貼入薑五棗

二水煎服

五勞元

治勞瘧及瘴瘧常山三兩半桃仁一兩二錢桂七錢半淡豉三兩半烏梅肉二兩半右

日乾為末蜜丸梧子大空心溫酒下三四十九粒

六和湯

治瘧久不愈常山二錢知母貝母人參草果白芷烏梅檳榔柴胡各一錢右剉作一貼入

薑三棗二酒水相半同煎露一宿臨發日服之

烏頭七棗湯

治勞瘧及寒瘧大川烏一箇以鹽水浸炮七次去皮臍右剉分二貼每貼入薑

七棗七葱白三水煎稍  
冷先喫棗乃服藥

### 露薑養胃湯

治久瘧三五日一發者先以生薑四兩搗取自然汁露一宿次早將人參養胃

湯勸服一貼入棗二梅一煎去滓和薑汁空心溫服

### 十將軍丸

治久瘧及瘧母縮砂檳榔常山草果各二兩三稜蓬朮青皮陳皮烏梅半夏各一兩

右先將常山草果酒醋各一椀浸一宿後入八味同浸至晚炭火煮乾為末酒醋各半打糊和丸梧

子大白湯下三四十九日二服服至八兩即除根

### 一補一發丹

治久瘧內傷按外感間發內治痰外發汗赤茯苓一兩半夏陳皮柴胡黃芩蒼

朮葛根各七錢常山三錢石為末麵糊和丸梧子大白湯下七十九日

### 辰砂元

治久瘧不損元氣辰砂阿魏真者各一兩右研勻稀米糊和丸皂角子大空心以人參湯

化下一丸

養胃丹

治久瘧二三年不愈者蒼朮常山酒蒸各二兩半夏陳皮厚朴各一兩半赤茯苓藿香草

果各一兩甘草炙五錢烏梅四十九箇取肉右為末淡薑湯打糊和丸梧子大薑湯下五七十丸鑿

辟邪丹

治嵐瘴鬼瘧萊豆雄黑豆各四十九粒信砒半錢另研黃丹一錢朱砂二錢右為末滴水

和勻分作三十粒每一粒取東南桃枝七枚研計和井華水早晨日出時面東吞之虛人慎用

雄朱丹

治鬼瘧大黑豆四十九粒約五錢重端午日以冷水浸從早至巳時去皮曬乾研入信砒

末一錢再研勻麴糊和勻作丸少壯人梧子大老入黃豆大小兒萊豆大雄黃朱砂為衣曬乾收貯

臨發五更面東井水下  
丸門○一名瘧靈丹鑿

雙解飲子

治瘧瘧及寒瘧神效肉豆蔻草豆蔻各二箇一箇煨一箇生厚朴二寸一寸薑汁浸

灸一寸生用甘草大者二兩一半灸一半生薑二塊一煨一生右各剉合分二貼入棗二梅一水

煎空心溫服○一名交解飲又名生熟飲



地龍飲

治瘰癧大熱煩燥生地龍大者三條研細入薑汁薄荷汁生蜜各少許新汲水調下熟熾

加龍腦少許

羌活蒼朮湯

治感冒嵐瘴成寒熱瘧羌活一錢半蒼朮柴胡黃芩枳實橘紅半夏川芎甘草

各一錢右剉作一貼入薑五片水煎服

觀音元

治瘰癧半夏生烏梅肉母丁香巴豆肉各十枚晒右為末薑汁糊和丸麻子大每五丸臨

卧冷水下有人於海角遇白衣人授之因名焉

老瘡丸

治瘰癧久不差腹痛有母與上十將軍丸同而常山草果各二兩餘八味各一兩劑法服

法並同上

鱉甲丸

治瘰癧有瘡母久不差鱉甲醋煮一兩三稜蓬朮香附子青皮桃仁紅花神麴麥芽海粉

各五錢右為末醋糊作丸梧子大赤芍藥治夜發丸各一錢一名瘡母丸

瘡名陰  
瘡丸

消癖元

治痰瘡彌年經汗吐下榮衛虧損邪氣伏藏

朱砂各等分右為末蜜丸小豆大每十九丸棗湯下  
去癖須用荒花大戟破水之劑得○一名荒花丸

門

老瘡飲

治老瘡結成癰瘰在腹脇諸藥不愈蒼朮草

半夏枳殼桂心乾薑甘草各五分紫蘇葉川芎各  
四分右剉作一貼入鹽少許水煎空心服門○一

名瘡瘡  
飲

七棗湯

治五藏氣虛陰陽相勝作瘡為瘡瘡不問遠近

七次去皮臍右剉作一貼入薑三七棗七水  
一搗煎至半空心溫服仍喫棗三五枚

鱉甲飲子

治老瘡腹中結癥瘕名曰瘡母鱉甲二錢  
白朮黃芩草果檳榔川芎陳皮厚朴白芍

藥各一錢甘草五分右剉作一貼入薑三棗二梅一水煎服

### 參歸驚甲飲

治老癰腹脇有塊成癰母驚甲醋煮一錢三分黃芪蜜水炒青皮當歸白茯苓

白朮厚朴川芎香附子各八分人參縮砂山楂子枳實各五分甘草三分右剉作一貼入薑三棗二

梅一水煎空服

### 秘方清脾丸

治癰三日一發或十日一發白朮一兩

果蓬朮厚朴各五錢薑黃甘草各三錢右為末飯丸梧子大白湯下六七十九

### 經效瘡丹

治癰母結癖寒熱無已真阿魏雄黃各二錢半朱砂一錢半右沸湯泡阿魏研雄朱

為末和勻麪糊和丸梧子大每一丸人參湯冷服空心瘡癰桃仁煎湯冷服臨發磨一丸付口鼻畔

搗

### 黃甲丸

治癰母成塊久不愈朱砂阿魏穿山甲酥炙檳榔各五錢雄黃木香各二錢半右為末泡

黑豆去皮搗成泥和九梧子  
大空心薑湯下五十丸

# 瘡寒熱不歇有根

曰瘡之寒熱不歇者有根在也根者何

母惟敗血為暑熱之毒惟飲與水皆生寒熱故治  
法挾水飲者為之逐水消飲結癖者脇必痛為之  
攻癖敗血暑毒隨證而疎利之則寒熱自除矣○  
允瘡皆因停蓄黃水或於脇間結癖惟癖為能生  
寒熱若取下毒水去其病根則寒熱自解所以能  
劑多用常山蓋水在上則吐之水中下則亦能  
破其癖而下  
其水故也

# 寒熱似瘡

帝曰火熱復惡寒發熱有如瘡狀或一日發

之時有多少也陰氣多而陽氣少則其發日近此勝復相薄盛衰之  
氣多而陰氣少則其發日近此勝復相薄盛衰之  
節瘡亦同法納○感冒之人忽覺毛寒股慄百骸  
鼓撼嘔不能食未幾轉而發熱皆似瘡證不必脉  
弦但隨證施治熱多小柴胡湯寒多人參養胃湯  
和解之內傷虛者補中益氣湯防覲加山楂麥芽

白豆蔻扶脾  
自止矣

# 瘧疾治法

內經主於暑風局方主於傷食丹溪主於痰

爲要通用二陳湯寒多加草果口渴加烏梅

無汗者要有汗散邪爲主帶補有汗者要無汗扶

正氣爲主帶散邪宜散邪湯正氣湯

草果厚朴不能溫散熱瘧非柴胡黃芩不能清解

陽瘧無汗須用柴胡蒼朮乾葛陰瘧無汗須用柴

胡升麻川芎汗多須用白朮烏梅以斂之

熱後寒宜小柴胡湯先寒後熱宜柴胡加桂湯多

熱但熱宜白虎桂枝湯多寒但寒宜柴胡桂薑湯

寒熱之劑度其所作之日先一時進以抵截之藥  
去其痰水則收效矣寒多者投以半生半熟壯脾  
進食之劑次以抵截之藥則無復攻之患矣  
令慎飲食謹起居則無復攻之患矣  
治太陽白虎湯治陽明小柴胡湯治少陽意甚明  
顯挾痰合二陳湯食積合平胃散尿澀合五苓散

便閉合大柴胡湯無汗加乾葛蒼朮有汗加黃芪  
白朮夜發加桃仁赤芍藥日久加常山檳榔吐之

治瘧之法  
盡矣

### 柴平湯

治諸瘧柴胡蒼朮各二錢厚朴陳皮半夏黃  
芩各一錢人參甘草各五分右剉入薑三棗

二梅一煎服  
名平胡飲子

### 草果平胃散

治脾虛作嘔不問寒熱先服宜服蒼朮  
二錢厚朴陳皮青皮大腹皮檳榔草果

各一錢甘草五分右坐作一  
貼入薑三棗二水煎服

### 加減清脾湯

治諸瘧即小柴胡湯與人參養胃湯合  
和也寒多熱少多用養胃湯熱多寒少

多用小柴胡湯  
入薑五棗二桃柳枝各三寸水煎空心服

### 四將軍飲

治瘧作時什厥臧腋不省是中心抑鬱陰  
陽交戰所致宜服此附子一兩炮訶子四

箇煨去核陳皮四箇全者甘草四寸灸右剉分作  
二貼每貼入薑棗各七水煎漸漸灌下四服頓



得效

驅瘧湯

治諸瘧久瘧草果青皮陳皮人參赤茯苓半  
夏厚朴蒼朮白朮檳榔各一錢良薑甘草各

五分右剉作一貼入薑  
五棗二梅一水煎服

驅邪湯

治諸瘧柴胡二錢白朮一錢半乾葛一錢三  
錢蒼朮一錢陳皮七分甘草五分右剉作一

貼水煎服空心湯  
一名柴胡二朮湯

人參竹瀝飲

治虛瘧昏倦汗多痰盛舌大語澀脉虛  
無力白茯苓人參白朮當歸生地黄黃酸

棗仁炒麥門冬知母陳皮白芍藥各一錢甘草三  
分右剉作一貼入棗二梅一水煎調竹瀝薑汁服

春

治瘧須用分陰陽之藥

瘧疾者陰陽交爭寒熱互作用  
藥須半生半熟半冷半熱乃收

十全之功○諺云無痰不成瘧蓋半  
生半熟所以分陰陽解寒熱也

知瘧將差

少陽證知可解者寒熱日不移時而作邪未

之知于早氣移之若用柴胡而移其時早移之于晏晏移

地知可解也

○若移時或早或晚是邪無可容地

截瘧法

凡瘧散發之後便宜截而除之久則中氣虛弱

輕用一劑○若用截藥吐出血膠水者瘧自愈也

遲截遲則元氣衰憊而可成虛怯當在三四日就截

為好須待熱退身涼方可飲食也切不可帶熱飲

食恐不消而成痞痞散成鼓者有之矣○凡瘧

須分利陰陽柴苓湯勦胃丹之類最效甚者截而除之

二飲勝金丸之類不愈乃氣大虛要扶胃氣

為本露薑養胃湯養胃丹之類見又有經歲久

瘧汗吐下不愈榮衛虧損邪氣伏藏脇間結為癥

痞謂之瘕母瘕瘧飲黃甲丸之類方觀鑑○在陰

分者用藥微起陽分方可用截方○截瘧宜截

瘧常山飲截瘧七寶飲截瘧飲子人參截瘧飲



尖丹勝金丹參  
歸養榮湯

截瘡常山飲

常山草果枳椇知母烏梅穿山甲炮甘  
草灸各一錢右剉作一貼酒水相半煎

露一宿臨發日早晨  
溫服得吐為順

截瘡七寶飲

常山陳皮青皮枳椇草果厚朴甘草各  
一錢右剉作一貼酒水相半入薑五梅

二同煎露一宿早晨溫服必須  
吐而愈

截瘡飲子

治久瘡不愈一服便差永不發如神常山  
一錢半枳椇一錢丁香半錢烏梅一箇右

清作一貼好酒一盞浸一宿臨發日  
清晨溫服即正傳截瘡方也

人參截瘡飲

虛人截瘡宜用一切瘡並可截人參白  
朮茯苓當歸青皮厚朴柴胡黃芩知

母常山酒浸草果鱉甲醋炙各八分桂枝甘草各  
三分右剉作一貼入薑三棗二梅一桃仁七箇水

煎露一宿臨發日五更空心服  
糖拌烏梅下藥切忌雞魚豆腐麵食熱物

鬼哭丹

治痰癰常山一升剉醋浸春夏五夏三秋七冬十日曬乾檳榔各四兩半夏貝母各二兩右

為末雞子清和麪入藥末拌勻作丸梧子大每三十丸隔夜臨睡冷酒吞下次日早再服一服

勝金丹

治諸瘡久不愈可截之常山四兩酒蒸晒乾檳榔一兩為末醋糊和丸菴豆大於隔夜臨

卧時取三十丸冷酒吞下忌食一切熱羹湯粥

不二飲

治諸瘡疾一劑截住神效雞心檳榔要一雌

母各等分右剉作一宿臨發日五更煎至八分不可過熟熟則不效露一宿臨發日五更煎至八分不可過

煎藥鬚○一名止癰散并三

勝金丸

治一切瘡能截去常山四兩酒浸一宿晒乾

常山餘酒煮糊和丸梧子大每服五十丸前一

臨卧時溫酒送下便卧至當發日雞鳴時服七十丸忌生冷

熱物

參歸養榮湯 瘡疾截住後以此調養氣血人參白朮

白芍藥熟地黃甘草各八分  
剉作一貼入棗二水煎服

襪法 宜用神仙碧霞丹斷瘡  
如聖九治一切瘡端

神仙碧霞丹 東方巴豆去皮油另研  
○中央雄黃另研 ○西方白礬另研

○北方青黛另研 ○右各三錢五月五日早朝修  
治各盛盤依方排定勿令貓犬婦人見之至其日

午時取五家粽尖和勻丸如榛子大令患者綿裹  
一丸當發日早朝塞於男左女右鼻中仍清靜將

息勿雜  
飲食

斷瘡如聖丸 信砒二錢大鯁三箇雄黑豆四十九  
粒右為末滴水如粥實大如來十日

發今夜北斗下先獻過次早以綿裹一丸於男  
左女右耳內塞之立愈如神一丸可救二人間

禁忌法 瘡發時切忌飽食遇發日食飽病愈加重瘡塊也  
瘡發時切忌飽食遇發日食飽病愈加重瘡塊也

○凡癰方來與正發不可服藥服藥在於未發  
兩時之先否則藥病交爭轉為深害○服藥當於  
未發以前兩時之先或遇發日凌晨空心與服  
○仍節飲食避風寒遠酒色慎起居無不愈○  
患癰人切忌食猪肉牛肉必再發○

難治不治證○大凡陽癰易治陰癰難治○久癰而復

脊強急癰瘰者不可治○寒熱  
脫形而脉堅搏是為逆死不治○

單方○有脾寒丹種

牛膝○治老癰久不愈取肥大牛膝一  
握剉酒水相半煎服三劑差○

茵陳○治癰瘰煎湯服之○又煮  
羹作羹並可食之○

葛根○療癰取一兩  
煎湯服之○

麻黃○治溫癰無汗煎  
湯服發汗差○



知母

主熱瘡煎湯服之良

半夏

治痰瘡取一兩煎湯和薑汁服之

松蘿

療溫瘡煎湯服可為吐痰

蛇蛻

主瘡當發日取皮塞兩耳又手持少許良

鰐甲

主溫瘡老瘡取甲灸為末每二錢溫酒調下連三服無不斷

蜈蚣

主溫瘡瘡癰灸為末調溫酒服半錢

鼠婦

主寒熱瘡取三枚研和溫酒服小兒尤良

白葵花

主疥瘡取花陰乾搗為末酒調服一錢

烏梅

主熱瘡煩渴煮湯飲

虎頭骨

治溫瘡酥炙黃為末溫酒下二錢又取肉煮食之又取皮覆身上

狸糞

主頭骨亦主瘡燒灰和酒服又煮肉食之

狐肉

主寒熱瘡取五味煮食之良藥如

燕屎

治瘡疾取尿二錢和酒一升盛碗中令病

夜明砂

取一錢冷茶調下立效每

小蒜

治瘡取蒜研極爛和黃丹作丸梧子大

鍼灸法

已瘡之且發也陰陽之且移也必從四末始也陽

孫絡盛堅而血者皆取之納○謂用三稜鍼視孫

絡出血也○九瘡必先問其病之所先發者先

刺之○久瘡不愈大顛先鍼後灸三七壯或云第

瘟疫

已先視身之赤如小豆者盡取之○九瘡取間

瘟疫之因

內經曰冬傷於寒春必溫病。○斯疾之召或溝渠不泄穢惡

不修熏蒸而成者或地多死氣鬱發而成者或官

吏枉抑怨讟而成之者世謂獄溫塲溫墓溫廟溫

社溫山溫海溫家溫電溫歲溫天溫地溫等不可

不究。○疫氣之發大則流行天下次則一方次

則一鄉次則偏著一家。○悉由氣運鬱發有勝有復

遷正退位之所致也。○凡時行病者春應暖而

反寒夏應熱而反涼秋應涼而反熱冬應寒而反

溫非其時而有其氣是以一歲之中病無長幼大

率多相似此則時行瘟疫之氣俗謂之天行是也

○疫疾如有鬼厲相似故曰疫癘。○時氣者

天地不正之氣也又謂鬼厲之氣夫鬼無所歸乃為

率病者時氣也又謂鬼厲之氣夫鬼無所歸乃為

厲爾若天地有不正之氣鬼厲依而為祟揚玄操

云謂雜其鬼厲之氣不知何經之動也亦其義也

類聚

瘟疫形證

冬合寒反暖春發溫疫其證發熱腰痛強急  
脚縮不伸行中欲折目中生花或瀉瀉增寒

脉法

復熱。春合暖反涼。夏發燥。疫其證。身能自禁。或內熱口乾舌破。咽塞聲嘶。夏合熱反寒。秋發寒。疫其證。頭重。頸直。皮肉強痺。或蘊而結核。起於咽喉。頸項之側。布熱毒於皮膚。分肉之中。肺氣暴嗽。嘔逆。或體熱發斑。喘咳。引氣。三。感四。時不正之氣。使人痰涎壅塞。煩熱。頭疼。身痛。增寒。壯熱。項強。睛疼。或飲食如常。起居依舊。甚至聲啞。或赤眼。口瘡。大小腮腫。喉痺。咳嗽。稠粘。噴嚏。鑑。尺膚熱甚。肘盛躁者。病溫也。○時疫之脉。無定。據隨時審思。乃得。未可輕議。○陰陽俱盛。病熱。之極。浮之而滑。沉之散澁。惟有溫病。脉散。諸經各隨所在。不可指名。辨。○陽脉濡弱。陰脉弦緊。更遇溫氣。變為瘟疫。○溫病二三日。體熱。腹滿。頭痛。飲食如故。脉直而疾。八日死。○溫病四五日。頭痛。腹滿。而吐。脉來細而強。十二日死。○溫病。八日。頭身不痛。目赤。色不變。而反利。脉來澁。按之不足。舉時大。心下堅。十七日死。○溫病。汗不出。出者死。○脈堅。強急者。生。虛軟者。死。

中痛甚○温病穰穰大熱脉細小者死○温病下利腹

死及大熱不去者亦死○熱病脉靜汗已出脉盛一逆

也死不治

瘟疫治法

温熱病者夏至前發為温病夏至後發為熱

是也○寒暄不時人多疾疫○衆人病一般

法切不可作傷寒治有三法宜補宜散宜降○治

根葛根湯夏發熱加減治之○春發温疫宜葛

白虎湯散半表裏證用小柴胡湯裏證用大柴胡

湯未端的先以敗毒散治之看歸在何經隨經施

治○九味羌活湯治瘟疫初感一二日間服之

取效如神○現○又有大頭瘟蝦蟆瘟鸚鵡

瘟別有條在下。○瘟疫宜用聖散子十神湯柴胡  
升麻湯解肌湯香蘇散芎芷香蘇散藴十神湯  
蘇散雙解散藴門清熱解毒散加味敗毒散神授  
太乙散五瘟丹茵陳九人中黃九如意丹黑奴丸

葛根解肌湯

治春疫發熱而渴葛根三錢麻黃黃芩  
各二錢芍藥一錢半桂枝一錢甘草八

分右剉作一貼入薑  
三棗二水煎服

調中湯

治夏發燥疫口乾咽塞大黃一錢半黃芩芍  
藥葛根桔梗赤茯苓藴本白朮甘草各一錢

右剉作一貼  
水煎服

荊防敗毒散

治瘟疫及大頭瘟羌活獨活柴胡前胡  
赤茯苓人參枳殼桔梗川芎荊芥防風

各一錢甘草五分  
剉作一貼水煎服

聖散子

治疫癘流行不問陰陽表裏連服取差又治  
風溫濕溫等證草豆蔻煨猪苓石菖蒲赤茯苓



冬良薑獨活赤芍藥附子麻黃厚朴藁本枳殼柴  
胡澤瀉細辛防風白朮藿香半夏吳茱萸蒼朮甘

草各五分右剉作一貼薑三棗二水煎服  
平朝煮一釜老幼各飲一盃則時氣不入

十神湯治時令不正瘟疫妄行葛根二錢赤芍藥升  
麻白芷川芎陳皮麻黃紫蘇葉香附子甘草

各一錢右剉作一貼入薑五葱白三煎服  
方乃升麻葛根湯合芎芷香蘇散加麻黃發汗之

劑也

柴胡升麻湯治時行瘟疫頭痛壯熱柴胡前胡葛根  
赤芍藥荊芥石膏各一錢桑白皮黃芩

各七分升麻五分右剉作一貼  
入薑三豆豉十粒水煎服

清熱解肌湯治天行瘟疫頭痛壯熱葛根三錢黃芩  
赤芍藥各一錢半甘草一錢右剉作一

貼水煎服  
一名解肌湯

香蘇散治四時瘟疫香附子三錢紫蘇葉二錢半陳  
皮一錢半蒼朮甘草各一錢右剉作一貼入

薑三葱白二水煎服○昔有白髮老人授此方與一富人令其合施城中大疫病者服此皆愈此老鬼問富人富人富人以實告鬼曰

### 十味芎蘇散

治溫熱瘟疫病川芎一錢半半夏一錢二分赤茯苓紫蘇葉柴胡乾葛各一錢

陳皮枳殼甘草各七分桔梗五分右剉作一貼入薑三片棗二枚水煎服

### 清熱解毒散

溫暑之月民病天行瘟疫熱病宜清熱解毒氣羌活二錢白芍藥人參石膏各

一錢二分半黃芩知母並酒炒升麻乾葛各一錢甘草七分黃連酒炒生地黃酒洗各五分右剉作

一貼薑三水煎服

### 加味敗毒散

治瘟疫及發斑羌活獨活前胡柴胡川芎枳殼桔梗赤茯苓人參防風荊芥蒼

朮白朮赤芍藥當歸生地黃各六分薄荷甘草各三分右剉作一貼入薑三棗二水煎服

### 神授太乙散

治瘟疫流行不問陰陽兩感頭痛寒熱赤芍藥羌活藿香細辛青皮川芎白芷

桔梗枳殼柴胡陳皮香附子蒼朮防風蒿本甘  
各七分乾葛升麻紫蘇葉各三分右剉作一貼入

薑七棗七葱  
七水煎服

### 五瘟丹

治流行瘟疫及傷寒熱病熱瘧。黃連屬火

戊癸年為君。黃柏屬水丙辛年為君。○黃  
萃屬金乙庚年為君。○甘草屬土甲巳年為君。○  
香附屬木丁壬年為君。○紫蘇葉各一兩為君者。  
倍入右皆生用冬至日製為末用錦紋大黃三兩  
濃煎湯去渣熬成膏和丸彈子大朱砂雄黃末為

衣再貼金箔每一  
丸井華水磨服

### 茵陳丸

治時行瘟疫及瘡癰黃疸溫熱病即黃  
疸門瘡疸丸也每五丸溫水吞下

### 人中黃丸

治四時疫癘大黃黃連黃芩人參桔梗蒼  
朮防風滑石香附子人中黃各等分右為

末神麴糊和丸梧子大每七十丸氣虛四君子湯  
血虛四物湯痰多二陳湯作湯送下如無人中黃  
用糞缸岸代之或以朱砂雄黃為衣亦好

如意丹

專治瘟疫及一切鬼祟伏尸勞瘵癰狂失志  
山嵐瘴氣陰陽二毒五癰五疳八痢誤吞銅

鐵金石藥毒不伏水土等證川烏炮八錢檳榔人

參柴胡吳茱萸川椒白茯苓白薑黃連紫莢厚朴

肉桂當歸桔梗皂角石菖蒲各五錢巴豆霜二錢

半右擇吉日於不聞雞犬處爭室修合為末煉蜜

和丸梧子大朱砂為衣每五丸或七丸溫

水下門○此方乃溫白元加檳榔當歸也

黑奴丸

治瘟疫熱病脉洪數大熱狂走渴甚棄  
為死人幹開口灌藥下咽即活勸覲

大頭瘟證

大頭病者感天地四時非節瘟疫之氣所着  
以成此疾至於潰裂膿出而又染他人所以

謂之疫癘大抵足陽明邪熱太甚資實少陽相火  
為熾濕熱為腫木盛為痛多在少陽或在陽明陽

明為邪首大腫少陽為邪出於耳前後○大頭

病者頭痛腫大如斗是也大率多是天行時疫病

也○天行一種名曰蝦蟆瘟從頤頤腫起為狸頭瘟從

耳前後腫起名曰蝦蟆瘟從頤頤腫起名曰鸕鷀

瘟甚為凶惡染此者十死八九宜推運氣治之

大頭腫又名雷頭風其證頭面腫痛死痞甚則咽



喉堵塞害人最速冬溫後多有此病。喉謂之時毒初發狀如傷寒五七日之間乃能殺。人其候發於鼻面耳項咽喉赤腫無頭或結核有根令人增寒發熱頭痛肢體痛甚者恍惚不寧咽塞閉。

# 大頭瘟治法

兩目鼻面腫者陽明也耳前後并額角腫者少陽也腦後項下腫起者太陽也表證

多者荊防敗毒散裏證多者防風通聖散。惡實玄參俱用酒炒微微下之。使藥氣上行。黃丸亦妙。治法當先緩而後急。先緩者邪見於無形之處至高之分當用緩緩徐徐服之。寒藥則酒浸酒炒皆是也。後急者邪氣入於中有形質之斷此為客邪當急去之。大頭病此熱氣在高巔之上切勿用降藥宜羌活酒芩酒大黃。大頭瘟俗謂之時毒常於鼻內搖通氣散取十餘嚏作效。若搖藥不嚏者不可治也。如嚏出膿血者治之必愈。每日用嚏藥三五次以泄毒氣。此是良法。左右看病之人日日用嚏藥。嚏之必不傳染。

○經三四日不解者宜荊防敗毒散至七八日大  
小便通利頭面腫起高赤者宜托裏消毒散癰觀  
無鍼砭出血泄其毒氣十日外不治自愈若五日  
已前精神昏亂咽閉塞語聲不出頭面大腫食  
不知味者必死○大頭瘟宜用既濟解毒湯  
連消毒飲牛蒡芩連湯漏蘆散二黃湯消毒丸  
黃九二聖救苦丸加味  
九清涼救苦散通氣散  
黃

# 普濟消毒飲子

治天行大頭瘟黃芩黃連並酒炒各  
五錢人參三錢陳皮桔梗玄參柴胡

甘草各二錢鼠粘子馬勃板藍根  
一錢升麻白殭蚕各五分右為末取一  
和時時呷之留一半蜜丸彈子大每  
水送下或加防風薄荷川芎當歸  
分二三次服之腫甚宜砭刺出血  
四月民多疫癘初覺增寒體重次  
不能開上喘咽喉不利舌乾口燥  
染之多死東垣曰身半已上天之  
地之氣也此邪熱客於心肺之間  
腫盛遂製一方名曰普濟消毒飲  
子服之皆愈



謂之仙方謂天仙所製也  
遂刻諸石以傳永久

### 既濟解毒湯

治天行大頭瘟頭面赤腫而痛大黃酒  
煨黃芩黃連並酒炒桔梗甘草各一錢

升麻柴胡連翹當歸身各五分  
分右剉作一貼水煎服

### 芩連消毒飲

治天行大頭病咽喉腫痛黃連黃芩柴  
胡桔梗川芎荊芥防風羌活枳殼連翹

射干白芷甘草各七分右剉作一貼入薑三片水  
煎又入牛蒡子一撮再煎入竹瀝薑汁調服

### 牛蒡芩連湯

治大頭瘟氣治啞瘡黃芩酒洗二錢黃  
連薑汁炒桔梗大黃酒蒸石膏各一錢

連翹惡實玄參甘草各一錢荊芥防風羌活各  
五分右剉作一貼入薑三片水煎徐徐服之

### 漏蘆散

治時毒疔瘡頭面洪腫咽喉堵塞水藥不下  
蘆葉玄參各二兩漏蘆升麻大黃黃芩各一

兩右為麤末每三  
錢水煎徐徐服

### 二黃湯

治大頭瘟初起黃芩黃連並酒炒甘草生各  
一錢水煎小小呷服再用酒浸大黃鼠粘子

炒煎成湯入芒硝等分亦時時細呷之

### 消毒丸

治時毒疔瘡惡證大黃牡蠣煨白礬蜜炒各一兩右為末蜜丸彈子大每服一丸新井水化

下

### 彊黃丸

治大頭病及喉痺歌曰人間治疫有仙方一兩彊黃二大黃薑汁和丸彈子大井華調蜜一

便清涼錫○乃白礬蜜一兩大黃二兩為末薑汁和丸彈子大井水研服一丸也錫

### 二聖救苦丸

大黃四兩酒蒸猪牙皂角二兩右為末麩糊和丸茶豆大每五七十九以茶豆

湯送下汗出為效○萬曆丙戌余寓大梁屬瘟疫大作士民多斃甚至滅門其證增寒壯熱頭面頸

項赤腫咽喉腫痛昏憤名曰大頭瘟余發一秘方名二聖救苦丸用牙皂以開關竅而發其表用大

黃以瀉諸火而通其裏一服即汗一汗即愈真仙方也稟壯者百發百中虛弱者先服荊防敗毒散

若未愈用牛蒡子連湯亦效

加味殭黃丸

治大頭瘟及蝦蟆鷄等瘟大黃酒蒸四兩白殭蚕二兩蟬退六錢半薑黃二

錢半右為末薑汁糊和勻每吞一兩作十九大入一丸小兒半丸蜜水調下立愈○即內府仙方也

清涼救苦散

治大頭瘟面鼻耳目腫痛芙蓉葉桑葉白芨白斂車前葉大黃黃連黃栢白芷

雄黃赤小豆芒硝各等分右為末蜜水調敷於腫處頻頻掃上

通氣散

治天行大頭瘟頭面赤腫或咽喉閉塞用此取實嚏七八遍泄出毒氣則差看病人用

此取嚏亦不傳染玄胡索一錢半皂角川芎各一錢藜蘆五分躑躅花二分半右為末用紙撚蘸藥

緋入鼻中取嚏日三五次

禳法

劉根別傳云瘟疫熾發可於州治六合處穿地深至三尺闊亦如之取爭沙三斛實之以醇酒三升

沃其上俾使君祝之斯亦消除疫癘之良術也所謂太歲六合者歲泄氣之所存故以厭禳也

辟瘟疫預防法

凡疫病初起取正氣散或香蘇散煎一大鍋每人服一椀可以預防

○常以雞鳴時爭心存誦四海神名三遍則辟百  
鬼及瘟疫火災甚效。○東海神名阿明南海神名  
祝融西海神名巨乘北海神名禺疆強○蘇合  
香元每取九九浸一瓶清酒中時時飲之最辟鬼  
疫之氣又絳囊盛三九當心帶之亦妙。○辟瘟  
疫宜用屠蘇飲老君神明散務成子螢火丸太倉  
公辟瘟丹李子建殺鬼元宣聖辟瘟丹神聖辟  
瘟丹七物虎頭元七物赤散太乙流金散。○辟  
屠蘇飲 辟疫氣令人不染瘟病白朮一兩八錢大黃  
桔梗川椒桂心各一兩半虎杖根一兩二錢

川烏六錢右坐盛絳囊十二月晦日中沉井中正  
月朔日早曉出藥八二瓶清酒中煎數沸東向飲

之從少至老飲一盃其滓  
還沉井中取水飲之針

### 老君神明散

辟瘟疫川烏炮四兩附子炮白朮各二  
兩桔梗細辛各一兩右為麤末絳絹袋

盛帶之一里人皆無病若有疫氣溫酒服一錢覆  
取汗得吐即差若經三四日取三錢七水一椀煮  
服之三  
服差人

# 務成子螢火丸

辟瘟疫惡氣百鬼虎狼蛇虺蜂蠆諸毒五兵白刃盜賊凶害雄黃雌黃各

二兩螢火鬼箭羽蒺藜子白礬燒各一兩羚羊角鍛竈灰鐵槌柄取入鐵處各二錢半右為末以雞

子黃并雄雞冠血一具和之如杏仁大縫三角絳囊盛五丸帶左臂上又可掛於戶上○昔冠軍將

軍劉子南受得此方後於北界與虜戰敗被圍矣下如雨未至子南馬數尺矢皆墮地虜以為神人

解圍而去故一名冠軍九針

# 太倉公辟瘟丹

辟却瘟疫并散邪氣蒼朮八兩烏藥黃連白朮羌活各四兩川烏草烏細

辛紫草防風獨活藁本白芷香附子當歸荊芥天麻桂皮甘松三乃子白芍藥乾薑麻黃皂角甘草

各二兩麝香三錢半右為末蒸棗取肉和丸彈子大每取一九燒之麴

# 李子建殺鬼元

辟瘟疫殺一切鬼魅魍魎藜蘆三兩虎頭一兩半雄黃鬼白天雄皂莢燕

美各五錢右為末蜜丸皂子大熟病時氣燒一九安床頭懸

宣聖辟瘟丹

臘月二十四日平朝取井華水盛淨器中量人口多少浸乳香至歲朝五更湯

令溫從少至大每人以乳香一小塊飲水一二呷嚥下則一年不患時疫

神聖辟瘟丹

歌曰神聖辟瘟丹留傳在世間正元焚一炷四季保平安○蒼術二兩羌活獨

活白芷香附子大黃甘草三乃子赤箭雄黃各一兩右為末麩糊和九彈子大黃丹為衣晒乾正朝

早晨焚一炷

七物虎頭元

辟瘟殺鬼除一切疫氣虎頭骨朱砂雄黃各一兩半鬼白皂莢蕪荑雌黃各一

兩右為末熔蠟和丸彈子大以紅絹袋盛一九繫男左女右臂上又懸屋四角如值近境疫作晦望

夜半各家當戶燒一九晨起各人吞下小豆大一丸則不致傳染

七物赤散

辟瘟疫毒氣丹砂另研川烏炮各一兩瓜萋根七錢半細辛羊躑躅乾薑炮白朮炒

各五錢右為末每服半錢溫酒調服汗出解若不解增至一錢服

# 太乙流金散

大辟瘟疫雄黃一兩半  
砒磬石鬼箭羽各七錢半  
右為麝末三

角絳囊盛一兩帶心中庭燒之掛戶上又青布裹少許中庭燒之聚

## 不傳染法

凡瘟家自生惡氣聞之即上泥丸散入百脉轉相傳染若倉卒無藥以香油抹鼻端及以

紙撚探鼻嚏之為佳○又雄黃末水調以筆濃蘸塗鼻竅中雖與病人同床亦不相染初洗面後

及臨卧時點之○凡入瘟家先令開門戶以大鍋盛水二斗置堂中心取蘇合香元二十丸

煎之其香能散疫氣凡病者各飲一甌後醫者却入診視不致相染○凡入疫家以紙撚蘸香油

并雄黃朱砂末探入耳鼻內最能辟穢毒之氣遍滿鄉村善用如意丹亦妙○凡入疫家行動從

容左位而入男子病穢氣出於口女人病穢氣出於陰戶其相對坐立之間必須識其向背既出以

紙撚探鼻中噴嚏為佳○雄黃丸最妙○傷寒熱病傳染者因聞大汗穢毒以致傳染故聖惠

方曰大汗出則懸藥於戶解其穢毒無使傷於人也親屬侍奉之人勞役氣虛而為變亂何以知其



傳染者脉不浮是也治法自汗者蒼朮白虎湯無汗者益元散合涼膈散熱散而愈類

### 雄黃丸

治瘟疫令不相染雄黃一兩赤小豆炒丹參鬼箭羽各二兩右為末蜜丸梧子大每日空

心溫水吞下五丸可與病人同衣床亦不相傳染楊

### 瘡疫

嶺南春秋時月人感山嵐瘴霧毒氣發為瘟瘡寒熱此毒氣從口鼻入內也宜升麻蒼朮湯防見節

○南方疫癘扶嵐瘴溪源蒸毒之氣其狀熱乘上焦病欲來時令人迷困甚則發躁狂妄亦有啞

而不能言者皆由敗血瘀於心毒涎聚於脾所致宜加味柴胡湯鑒○瘴疫宜三仙湯太無神術散

諸方

### 加味柴胡湯

柴胡二錢黃芩半夏人參枳殼大黃甘草各一錢右剉作一貼入薑三棗二水

煎服

鑒

### 二仙湯

治山嵐瘴氣時行瘟疫蒼朮四錢乾地黃二錢牛膝一錢右剉作一貼水煎服或為末醋

糊和九梧子大空心  
酒下三五十九

### 太無神木散

治四時瘟瘧專主山嵐瘴氣之妙劑也  
蒼朮三錢陳皮厚朴各二錢石菖蒲藿

香甘草各一錢右剉作一貼八薑三棗二水煎服  
散。一方無菖蒲有香附子一錢名曰神木散氣

散

### 瘟疫熱病不治證

大熱病不可刺者有九。一曰泄而腹不滿

甚者死。二曰日不明熱不已者死。三曰汗不出嘔下血者死。四曰老

嬰兒熱而腹滿者死。五曰汗不出而熱者死。六曰舌本爛熱不已者死。七曰

出。六曰舌本爛熱不已者死。八曰髓熱者死。九曰熱而

### 單方九種二十

#### 朱砂

辟瘟疫取一兩細研以白蜜和丸如麻子大正  
朝早晨一家大小勿食諸菜面向東立水吞三

七九求  
無痼

蚯蚓汁

主天行熱疾取生地龍  
塗鹽化成水取飲之

藍葉汁

主天行熱狂取葉  
搗取汁飲一盞

臘雪水

治天行瘟疫熱  
盛取飲之

生葛根汁

治天行瘟疫熱疾取  
根搗取汁飲之

苦參

治天行壯熱取一兩  
醋煮飲之當吐即愈

水中細苔

主天行熱悶搗  
絞取汁飲之

青黛

治大頭瘟頭面赤腫真靨花三錢燒酒一鍾  
雞子清一箇打勻吃下腫即消真神方也

蛇莓

治天行熱盛口中生瘡蛇莓自然汁  
搗絞取一斗煎取五升稍稍飲之

竹瀝

治時氣瘟疫熱盛煩躁竹瀝  
半盞新水半盞和服之



蒼朮

辟瘟疫邪濕氣蒼朮合皂莢中庭燒之

生藕汁

治熱病煩渴藕汁一盞入蜜一合服之

臘月鼠

燒之辟惡氣又於正旦所居處埋之辟瘟疫氣

蟾蜍

食之不患熱病生搗絞汁服或燒為末和水服並主瘟病發斑

桃葉

主天行病汗不出桃葉多取濃煎湯置床下坐其上衣被蓋之須臾當汗便差又取桃枝剉煮

湯洗浴

葱白

治天行時疾頭痛熱狂濃煎葱白湯飲之

赤小豆

辟瘟疫病取赤小豆新布囊盛之正旦置井中三日日出之舉家服男十枚女二十枚無不

效

溫蕪菁汁

辟瘟氣立春後初庚子日取溫蕪菁汁合家大小入並服之日埋時疾

蒜正月之節食五辛以辟厲氣一曰蒜

人尿主天行病大熱狂走取乾者沸湯漬飲之或燒灰作末和水服又納爭土坑中新水調和澄清

取飲之鞞○即野人乾也取乾者爭沙覆之取清飲之治熱病最佳鞞

人中黃大治疫毒取大竹筒兩頭留節一節中作一

囊廁中浸一月取出晒乾用○臘月截淡竹去青皮於廁中浸滲取汁飲之大治天行熱疾發狂即

糞清也

赤馬蹄辟瘟疫作屑二兩絳囊盛帶男左女右鞞

牡猪糞極療天行熱病溫毒大熱取乾者水漬取清飲之鞞

雄狐尿燒之去瘟疫病取肉煮食亦可鞞

獺肉主疫氣瘟病煮肉取汁停冷飲之鞞

芥菜子

治疫氣傳染初覺頭痛取子為末填臍中以熱物隔衣一層熨之即汗而愈

白粳米

半升連鬚葱二十根煮成粥湯加入好醋半碗再煮一滾服取汗即愈

蓴

溫病勿食蓴食者多死

葵菜

天行病後食葵菜頓喪明

鍼法

治熱病五十九刺者○頭上五行行五者以越諸陽之熱逆也○頭中行謂上星額會前頂百會後頂

五穴也○兩傍謂臨泣目窓正營承靈腦空十穴也○又兩傍謂臨泣目窓正營承靈腦空十穴也○六

杼膺俞○氣街三里巨虛上下廉此八者以瀉胃中之熱也○

之熱也○雲門髃骨髃委中臑空○此八者以瀉四

藏之熱也

邪崇

邪崇形證

視聽言動俱妄者謂之邪崇其則能言平生

不足或扶痰火非真有時明有妖邪鬼崇也○邪崇之

證似癲而非癲有非真有時明有妖邪鬼崇也○邪崇之

歌或笑或吟或笑或眠坐溝渠啖食糞穢或裸體

露形或晝夜遊走或嘔罵無度針○人為鬼物所

魅則好悲而心自動或心亂如醉狂言驚怖向壁

悲啼夢寤喜魘或與鬼神交通病苦乍寒乍熱心

腹滿短氣不能飲食○人之精神不全心志多

恐遂為邪鬼所擊或附着沉沉默默妄言謔語誹

謗罵詈訐露人事不避譏嫌口中好言未然禍福

及至其時毫髮無差人有起心已知其故登高涉

險如履平地或悲泣呻吟不飲見人如醉如狂其

狀萬端○人見五色非常之鬼皆自己精神不

守神光不完故耳實非外邪所侮乃元氣極虛之

候也○夢寐不祥多生恐怖為崇惑證矣○

十疰五尸

人死三年之外魂神因作風塵着人成病曰

疰蓋疰者住也言其連滯停住又注易傍人也針

○又曰十疰者氣疰勞疰鬼疰冷疰生人疰死人





症尸症食症水症土症也針。五尸者一曰飛尸  
二曰進尸三曰沉尸四曰風尸五曰伏尸皆挾鬼  
邪之氣流注身體令人寒熱淋漓精神錯雜積年  
累月漸至頓滯以至於死死後復易傍人乃至滅  
門故號為尸症也針。傳。厄感鬼物之精無處  
而作也經曰人有逢年月之厄感鬼物之精無處  
不惡沉然而不能的知所苦積歲漸至委頓既往  
復傳症於傍人須用通神明去惡氣等劑療之或  
者剗麝刺犀驅伐邪惡飛丹煉  
石引納清和蓋為尸症談也

### 脉法

脉來遲伏或如雀啄乃邪脉也若脉來弱綿綿遲  
伏或綿綿不知如雀啄乃邪脉也若脉來弱綿綿遲  
乍大乍小乍短乍長為禍脉也兩手脉浮浮細微  
綿綿不可知但有陰脉亦細綿綿此為陰陽蹇  
之脉此亡人肢重者土崇也脉來洪大弱者社崇也脉來  
沉沉瀋瀋四肢重者土崇也脉來如飄風從陰趨  
陽者風邪也一來調一來速者鬼邪也針。欲知  
崇害心脉虛散肝脉洪盛或浮沉長短大針。小無定  
或錯雜不倫。○乍大乍小乍長乍短此皆邪脉  
神志昏亂。○乍踈乍數乍大乍小或促或結皆

邪脉也。○得病之初，便謔言或發狂，六部無脉，然切大指之下，寸口之上，却有一動，脉者此之謂鬼脉。乃邪崇為之，也不須服藥，但宜符咒治之。○若脉沉沉澤也，四肢不仁者，亡崇也。或大而懶懶者，社崇也。脉來乍大乍小，乍短乍長者，鬼崇也。○

### 邪崇尸症治藥

邪崇宜用桃奴元辟邪丹殺鬼五邪丸。紫金鉸蘇合香元還魂湯救。○尸症

宜用十症丸八毒赤散太乙神精丹。

### 桃奴元

治邪崇尸症。客忤魘夢，不祥言語，錯亂恍惚，失常。桃奴七箇，另研玳瑁，鎔細末一兩，安息

香去滓一兩，右三味同入銀石器中熬成膏。辰砂犀角各五錢，琥珀雄黃各三錢，龍腦麝香牛黃各二錢，桃仁十四箇，麩炒，右為末，入安息香膏和一。芡實大陰乾，密器封固，靜室安置，人參湯研下一。

丸

### 辟邪丹

治衝惡邪崇怪疾，及山谷間九尾狐精為患。人參、赤茯苓、神遠志、鬼箭羽、石菖蒲、白朮、蒼朮。

當歸各一兩桃奴五錢雄黃朱砂各三錢牛黃麝香各一錢右為末酒糊和丸龍眼大金丹箔為衣每

更以絳囊盛五七丸懸床帳中尤妙

殺鬼五邪丸

治邪祟鬼魅鬼箭羽二兩半丹砂另研雄黃另研龍骨鬼白炙赤小豆各一兩

半桃仁五十箇另研荒青三十箇炒去翅足右為末蠟熔化和丸彈子大絳囊盛一九繫臂上又另

用煉蜜和丸梧子大米飲吞下

紫金錠

治感鬼邪成鬼胎溫酒化下半錠至一錠貼

隨下惡物其邪仍至又服半錠更燒三錠藥氣滿屋邪不復至

蘇合香元

治疰忤鬼氣一切邪祟及鬼魅狐狸等病

一切邪神不敢近又取二七丸浸一瓶清酒中時時溫服令微醺邪氣自絕

十疰丸

治十種尸疰鬼氣雄黃巴豆霜各一兩人參麥門冬細辛桔梗附子炮皂莢川椒甘草各

五錢右為末蜜丸梧  
子大溫水下五九針

### 八毒赤散

治人染着神鬼謂之鬼症病雄黃礬石朱砂牡丹皮附子炮藜蘆巴豆霜各一兩蜈蚣

蚣炙一條右為末蜜丸小豆大冷水吞下十九○即李子豫八毒赤丸方也

### 太乙神精丹

治客忤霍亂尸症惡氣顛狂鬼語蠱毒妖魅溫瘧一切惡毒無所不治丹砂曾

青雌黃雄黃磁石各四兩金牙二兩半左六味內丹砂雌黃雄黃以釀醋浸曾青以好酒浸以紙密封日中暴百日然後各研如細粉以釀醋拌使乾濕得所納土釜中六一泥固濟安鐵脚環子上高火出之以漸放火其火勿令近釜底至一伏時止候次一色者下但光明皎潔如雪最佳若飛不盡更着火如前以雞羽掃取棗膏和丸如黍粒平旦空腹服一丸漸加一丸以知為度○舊不用磁石金牙今加之○服此者五服內必吐利過則自定○初服如黍粒漸加一丸至如小豆大而止不得更大○若服藥悶亂煮木防己湯飲之即定○若欲



解殺藥喫爛煮肥猪肉。○瘰癧積聚服一垂死者服一  
 九即吐差瘰癧母亦差。○瘰癧積聚服一以漿飲一  
 送下。○諸卒死心下微煖者幹開口以漿飲調一  
 刀圭服之。○以絳囊盛九刀圭散繫男左女右臂一  
 上辟瘴疫時氣最妙針。○作土釜法取兩箇瓦盆  
 可受二斗許者以甘土塗其內令極乾。○作六一  
 泥法赤石脂牡蠣滑石黃礬鹵土蠶蜋等四種火  
 各二兩右以礬醋和甘土為泥裹石脂等四種火  
 煨一伏時取出與鹵土蛭屎尿相同為末醋和如稠  
 粥用針。○凡合此藥以四時旺相日天晴明齋戒  
 沐浴合之針。○予修合太乙神精丹一料家中一  
 婦夢中鬼魘覺後心痛不可忍昏悶不省取三粒  
 服之即痛止神醒已無病矣  
 後施於人無不應驗如神驗

### 驗尸法

凡尸病欲驗其真以紙覆痛處煖病者頭  
 驗尸法  
 凡尸病欲驗其真以紙覆痛處煖病者頭

症氣引之也非症  
 則幾不着紙也

### 穰法

凡邪祟鬼症宜用藥以穰之回春辟邪丹李子建  
 殺鬼元皆可。○蘇合香元浸酒服之又盛蠟紙當

心胃帶之邪鬼不敢近竅門。一女人感邪交通，取雄黃末一兩，松脂二兩，熔化以虎爪攪為丸，彈子大，焚之用焙籠令女坐於其上，以被蓋之，只留頭耳，不過三九，其邪自斷。靖

### 回春辟邪丹

虎頭骨二兩，朱砂雄黃，鬼白，蕪荑，鬼箭羽，藜蘆，雌黃，各一兩，右為末，蜜丸，彈子

大囊盛一丸，繫男左女右臂上，又當病者戶內燒之，一切邪鬼不敢近，又療婦人與鬼交通者，無辟

瘟疫

### 李子建殺鬼元

辟一切鬼魅，魘魘及邪祟尸疰，鬼

### 導引法

乃定神叩齒三七遍，輒咽氣二十七遍，如此三百通，止二十日，邪氣悉去，百日伏尸皆去，面體光

澤

### 單方

九三十種

### 朱砂

殺精魅邪惡鬼氣，作末和溫水服，一錢，又常帶之，辟邪氣，幹



雄黃

殺精物惡鬼邪氣治尸症辟百邪以一塊繫頭上妙又佩之鬼邪不敢近作末和溫水服一錢

尤佳

古鑑

辟一切邪魅女人鬼交燒赤淬酒中飲之

半天河水

殺鬼精癲狂取與飲之勿令知

代赭

殺精物辟鬼魅常取帶之又作末和水服

敗天公

主鬼症精魅燒灰為末酒服之

忍冬草

主五尸症病濃煎取汁日二三服

青蒿子

治鬼氣尸症取搗為末酒服一錢

艾實

主百惡鬼邪氣取實和乾薑作末蜜丸梧子大飲下三十丸其邪鬼即去

鐵槌柄

主鬼打及強鬼排突人致惡者和挑奴鬼箭為末作丸服之



安息香主邪氣魘魘鬼疰惡氣鬼胎

衛矛主百邪鬼魅惡症取

無患子辟鬼邪惡氣取燒之

蚕退紙主發狂悲泣呻吟此為邪祟

穿山甲主五邪驚啼悲泣燒灰為

桃島殺百鬼精物百毒不祥

烏鴉治鬼魅燒為灰

桃仁主十疰五尸鬼邪病取五十枚去尖皮水煮取

之妙

鷹肉主邪魅及野狐魅取肉炙食之

鵲巢

主癲狂鬼魅取多年者燒為末和溫酒服之仍呼崇物名號

鵲骨

主五尸症毒取脚骨及紫燒為末和溫酒服之

麝香

辟惡氣殺鬼精物除百邪魅常帶身上妙又取少許和酒服

殺羊角

又辟惡鬼邪魅及辟虎狼取燒之

鹿角

主男女夢與鬼交取角屑一錢和酒服即出鬼精

牛屎

辟邪惡氣取塗門戶又常燒之

豹肉

主鬼魅邪神煮食良取鼻煮服主狐魅

虎肉

辟三十六種精魅煮食之良虎眼睛虎頭骨虎爪並辟鬼邪常帶之或置左右

狸肉

主諸尸症邪氣取肉作羹臠食之又好頭骨燒為末酒服二錢妙家狸亦好

狐肉

主狐魅凡人染着狐狸精走巡山野或义手有禮見人或於靜處獨語或裸形見人或祇揖無

度或緊合口又手坐禮度過常尿尿亂放取肉灸  
食或取腸肚作羹食之○又取狐狸皮鼻端黑處  
為末酒調服最效○又狐頭  
狐尾狐屎燒之並辟邪惡

### 獺肝

主五尸鬼症相染一錢日再亦治鬼魅肝一具

### 野豬黃

研和鬼症邪氣取

### 鍼灸法

鬼信陣時針灸有十三穴一名鬼宮卿卿○二名

分○山名鬼心○七名鬼○五名鬼路脚○六名鬼  
枕難獸餌入○七名鬼床帷耳脚○六名鬼

名鬼市卿卿○九名鬼路脚○十名鬼堂卿卿  
○十一名鬼藏左雅肝雞女○十二名鬼臣卿卿

○十三名鬼封離點蝦雞塹○又鬼邪發狂灸十  
指端去爪一分名曰鬼城鰐○治鬼魅狐惑恍惚

振噤以患人兩手大指相並縛定用大艾炷於兩  
甲角及甲後肉四處騎縫着火灸之若一處不着

火即無效灸七壯病者哀告我自去神效此泰承  
祖灸鬼法也即鬼尖穴門○五尸灸乳後三寸

左女右各二七壯又灸兩大指頭七壯。切症先仰卧灸兩乳邊斜下三寸第三肋間隨年壯。壯○卒狂言鬼語以帶急合縛兩手六指便灸。左右脇下對屈肋頭兩處各七壯。須臾鬼自道姓。名乞去徐徐問之乃解其縛。壯○卒中邪魅恍惚灸鼻下人中及兩手足大指爪甲本令艾炷半在爪上半在肉上各七壯不止十四壯。壯○卒狂鬼語鍼足大拇指爪甲下即止。壯○狐魅兩手大指合縛灸合間三七壯當狐鳴即差。壯○

# 癰疽

癰疽發病之原榮氣不從逆於肉理乃生癰腫。腎移寒於肝癰腫少氣脾移寒於肝癰腫筋

○擎○諸癰腫筋擎骨痛此寒氣之腫八風之變也。○膏梁之變足生大丁受如持虛。○帝曰癰疽何以別之岐伯曰榮衛稽留於經脉之中則血澁而不行不行則衛氣從之而不通壅遏而不行。故熱大熱不止熱勝則肉腐肉腐則為膿然不能陷肌膚骨髓不止為焦枯五藏不為傷故命曰癰。

熱氣淳盛下陷肌膚筋髓枯內連五藏血氣竭筋  
骨良肉皆無餘故命曰疽。○六府不和則留結  
為癰。又云三陽發病下為癰腫三陽乃足太陽膀胱  
經即腦疽背癰臀癰之類是也。○癰疽因陰  
陽相滯而生蓋氣陽也血陰也血行脈內氣行脈  
外周流不息寒濕搏之則凝滯而行遲火熱搏之  
則沸騰而行速氣得邪而鬱津液稠粘為痰為飲  
積久滲入脈中血為之濁此陰滯陽而為癰疽得  
邪而鬱隧道阻滯或溢或結積久滲出脈外氣為  
之亂此陽滯於陰而為疽。○癰者壅也疽者沮  
也血氣壅沮寒熱不散陰滯於六府則發癰陽滯於  
陰則發疽所發無定處也。○六府蘊熱騰出於膚  
肉之間其發暴盛腫而光軟皮薄以澤侵展廣大  
者為癰五藏蘊熱攻燬乎筋骨之內其發停蓄狀  
如痞癰皮厚以堅淡白焦枯者為疽。○癰發於  
六府若燎原之火外潰肌肉疽發於五藏若陶室  
之隧內銷骨髓。○九鬱抑傷心及  
久患消渴必發癰疽。丁瘡宜慎之。○  
癰疽欲發之候煩悶或病渴多年是皆欲發癰疽之證

# 癰疽欲發之候

煩悶或病渴多年是皆欲發癰疽之證





則榮氣逆於肉理聚為癰膿納○癰疽之證皆能  
為痛瘡先發為腫氣血鬱積蒸肉為膿故其痛多  
焉膿潰之後腫退皮寬痛必漸減而反痛者此為  
虛也未潰而痛瀉之已潰而痛者補之其有穢氣  
所觸者宜和解風冷所逼者宜溫散○形傷則  
痛氣傷則腫腫痛並作氣血俱傷癰疽不可不痛  
亦不可大痛○皮膚微高起而堅厚或痛或痒  
謂之腫有因風寒而得則腫硬色白有因熱毒而  
得則焮腫色赤○凡痛痒瘡瘍癰疽腫痛疹癰氣  
結核佛鬱甚者皆屬火熱蓋人近於火微熱則痒  
熱甚則痛附近則灼而為瘡皆火之用也○人之  
瘡腫皆由寒熱毒氣客於經絡使血溢而不通壅  
結成腫風邪內作即無頭無根氣血相搏作者即  
有頭有根壅結盛則為膿矣瘡有痛痒痛則為實  
痒則為虛非謂虛為寒也正謂熱之微甚也○  
癰發深不痛者胃氣太虛必死蓋肉多而不知痛  
也

癰疽輕重淺深之辨  
癰者其皮上薄以澤疽者上之皮  
天以堅上如牛領之皮此其候也



癰疽。小按即痛者病勢淺大按乃痛者病勢深在此  
辨癰疽之法也。癰疽之邪淺其稽留壅遏獨在此  
經脈之中而專攻乎外故初發時自表便發熱患  
處便如挽如盆高腫而痛甚縱欲下陷緣正氣內  
固不肯受故或便秘或發渴發逆以拒之是以骨  
髓終不焦枯五藏終不傷也。○疽之邪深其稽留  
壅遏內連五藏而不專攻于外故身體或無熱患  
處或不腫痛甚者聲嘶氣脫眼黑眼小十指腫黑  
如墨多死也。○凡癰疽惡核男以左邊為重女  
以右邊為重。○癰疽之證以有熱無熱為死生  
妙訣蓋陽證有熱則氣血行而生肌陰證無熱則  
氣血滯而不斂是以有實熱者易治虛寒者難治  
○初發時身體便熱患處亦熱腫大如盆高多生  
疼痛破後肉色紅紫此為外發雖大如盆高多生  
初發時身體無熱患處亦不熱數日之間漸漸開  
大不腫不高不痛低陷而壞爛破後肉色紫黑此  
為內發必死蓋未發之前藏府已先潰爛矣。○  
癰疽腫高而軟者發於血脉腫下而堅者發於筋  
脉肉色不變者發於骨髓。○

定癰疽死之部分

身有五部伏兔一欲腓二腓也者背三

死不可患○腦鬚鬚頤四處亦為癰疽必死之地○陰根

上毛間跨與尻骨接處○耳門前後車骨接處○諸因小腹風水所成癰疽○耳門前後近耳後虛處○

○鼻骨中並能害人惟眼後虛處最險○發腦發鬚發眉發頤發背謂之五發至險○凡眼不見瘡

皆惡○發於喉舌頭面腦項肩背胃腹四肢大節女子妬乳數者為險他處為緩○俗以癰疽

瘰疬付於癰疽之列豈知瘰疬與癰疽不同○瘰疬不過癰疽之一物乎○瘰疬雖勝脫督脉所主然五藏皆系於背

或醇酒厚味或鬱怒房勞以致水枯火炎痰凝氣滯與毒相搏隨處發生

癰疽當分內外

癰疽發於內者當審藏府如中府隱

屬心期門屬肝章門屬脾京門屬腎中腕屬胃天樞屬大腸南元屬小腸丹田屬三焦若有上證皆

微此辨之○發於腔子之內者曰內疽曰肺癰心癰肝癰腎癰胃腕癰腸癰○發於腔子之外者

曰腦發背發鬢發眉發頤發顙發額發鬚發腋發穿  
當發疔部腿發喉癰臍癰驕馬癰囊癰乳癰也

# 癰疽當分經絡

肺癰手太陰經心經手少陰經肝經足  
厥陰經脾經胃經陽明經

督脉與足太陽經經背癰中屬督脉左足陽明經腦癰  
鬢癰手足少陽經經眉癰手太陽經經與手足少陽

經頤癰手足陽明經經頤癰手太陽經經穿當癰督衝任三脉腿癰  
陽明經腋癰手太陽經經裏足三陰經經喉癰任脉與足陽明經

表足三陽經經裏足三陰經經喉癰任脉與足陽明經  
臍癰任脉與足陽明經經乳頭足厥陰經經驕馬癰足厥陰經囊癰足厥

陽經乳頭足厥陰經經驕馬癰足厥陰經囊癰足厥陰經  
陰經乳頭足厥陰經經驕馬癰足厥陰經囊癰足厥陰經

者有多血少氣者有氣血俱多者不可一槩論也  
何則諸經惟少陽厥陰經之生癰疽理宜預防以

其多氣少血也其血本少肌肉難長瘡久未合必  
成危證苟不知此妄用驅毒利藥

以伐其陰分之血禍不旋踵

# 癰疽脉

數脉不時則生惡瘡也  
○癰疽浮數惡寒發熱而疼者陽不

數不熱不疼陰瘡發癰之脈弦洪相搏沉細而直  
肺肝俱數翻。陰滯于陽則發癰陽滯寸陰則發  
疽此二毒發無定處當以脈別之浮洪滑為陽微  
沉緩瀦為陰翻。脈數身無熱內有膿癰作也一  
云腹無積聚身無熱脈數此為腸中有膿繇。脈  
滑而數數則為熱滑則為實滑則主榮數則主衛  
榮衛相干則結為癰熱之所過則為膿也。瘡  
疽之入膿血大泄而脈滑大數者難治也。凡癰  
多或如清泔脈滑大散而寒熱發渴者治之無功  
也翻。患肺癰者咳唾膿血脈見洪滑治之難痊  
矣翻。○癰疽已決去其膿而煩疼尚未全退其脉  
洪大難為力搗。○癰疽脉來滯澁但得和緩為  
平若洪大難為力搗。○癰疽脉來滯澁但得和緩為  
不收鮮有濟也搗。

癰疽難治不治證凡癰疽初發腫硬而易治若初發如粟

粒如豆許與肉俱平或作赤色時覺痒痛慎勿爪  
破此乃為疽其證屬陰毒氣內蓄勢雖緩而難治  
難。始發便熱腫大作痛此為外發雖大如盆百  
治百活自始發不熱不痛低陷而壞爛此為內發

難治也。爲陰屬五藏難治。入○爲陽屬六府易治。疽者

深似○胚染心○病處○硬病○如深○牛○領得○皮之○又久○申全○石不○榴腫○兩狀○痛乃○深用○藥藏○不府○軟受○者病○

內病深○病入無時喜笑不痛者內壞病深○貼膏藥

有實熱者易治虛寒有邪熱者難治

癰疽辨膿有無及淺深

諸癰疽欲知有膿無膿以手按腫上熱者爲有膿不熱者爲無

按膿之軟而復者膿按之強而不復者無膿

宜急破之堅硬未謂中央也膿按處之半硬半軟謂四方腫肉膿精

○用手按之熱則有膿不熱則無膿重按不痛者未成也  
○深也輕按之即痛膿之淺也按之不甚痛者未成也

也。膿也。按之即復。者有膿也。按之。不復者。無膿也。以手掩上。大熱者。膿成。自軟也。

成也若患癰癰結核寒熱發渴經久不消者其

100

面色萎黃被熱上蒸已成膿也。○瘡瘍皆為火熱而反腐出。膿水者猶穀肉果菜熟極腐爛而潰為污水也。潰而腐爛水之化也。熱勝血則為膿也。○腫硬膿稠者為實腫軟膿稀者為虛敗。膿不去加白芷不可用。白木蓋白朮能生膿故也。○

癰疽發暈

俗以腫痕附至為暈。非真暈也。暈生於瘡口則非美證矣。一暈二暈以至三暈尚紅筋之狀。纔見暈

死。○真暈生於瘡口之傍如紅暈二暈三暈尚紅筋之狀。纔見暈

銳毒斷斷難醫。受

癰疽死證

癰發於咽。半日死。○發於頸。名矢疽。其癰大而赤

黑不急治則熱氣下入淵腋。前傷任脉。內熏肝肺。十餘日而死。○陽氣大發。消腦溜項。名曰腦爛。痛

如鍼刺。煩心者死。不可治。○發於胛。名曰井疽。狀如大豆。三四日起。不早治。下入腹。不治。七日死。○狀

發於膺。名曰甘疽。色青。狀如穀實。瓜萐常苦寒熱。不急治。十歲死。後出膿。○發於尻。名曰銳疽。其

狀赤大急治之不治三十日死。發於足上下  
 名曰四淫其狀大癰不急治之百日死。發於足  
 傍名曰厲疽其狀不大初從小指發急治之去其  
 黑者黑不消輒益不治百日死。發於足指名曰  
 脫疽其狀赤黑者死不治不赤黑者不死治之不  
 衰急斬之否則死。諸癰疽之發於節而相應者  
 不可治也發於陽者百日死發於陰者三十日死  
 陽謂諸節之背陰謂諸節之臑郄間應者內發透

外也

**癰疽善惡證**  
 癰疽破潰後善證有五惡證有九。動息

也。神彩精明。語聲清朗。三善也。○膿清腫消。色  
 鮮不臭。四善也。○體氣和平。五善也。○膿清腫消。色  
 而目緊小。一惡也。○腹痛渴甚。不能飲食。納藥而嘔。食不知  
 味。二惡也。○腹瀉。聲嘶。色脫。唇鼻青黑。面目四肢浮  
 腫。五惡也。○煩躁。時嗽。泄利。無度。小便如淋。六惡  
 也。○膿血大泄。焮痛。尤甚。膿色敗臭。氣不可近。七惡  
 也。○喘。麓短。氣恍惚。嗜卧。八惡也。○未潰先黑。陷







者可服五利大黃湯化毒丹取通利一二行若膿  
成敗潰宜服五香湯托裏散○外證宜表散宜  
黃連消毒散內托羌活湯內證宜疎導宜內疎黃  
連湯仙方活命飲輕者清熱消毒飲若發表攻裏  
無行宜防風通聖散和暢服餌貼付藥用和平  
溫則流行氣得溫則和暢服餌貼付藥用和平  
○大凡癰疽惟藉有熱則發熱則氣血行冷則氣  
血滯遇有熱者切不可退熱但用溫藥以微涼少  
濟之

### 內疎黃連湯

治癰疽脉洪一作實發熱煩躁藏府秘  
澁當先通利宜用此大黃二錢連翹赤

芍藥各一錢半黃連黃芩當歸梔子檀榔各一錢  
木香薄荷桔梗甘草各五分右剉作一貼水煎服

以通利  
為度

### 千金漏蘆湯

治癰疽發背熱毒惡腫大黃二錢漏蘆  
連翹麻黃升麻赤芍藥黃芩枳殼白欬

白芩甘草各八分右剉作一  
貼水煎服以通利為度

內托復煎散

治陰疽蘊結於內恐侵藏府須內托以救其裏使榮衛俱行邪氣不令內侵蒼

木八兩防風一兩地骨皮黃芩赤茯苓赤芍藥人參黃芪白朮桂皮當歸防己甘草各五錢右剉先將蒼朮水五升煎至三升去朮入諸藥再煎至三四盞作三四次終日飲之又煎蒼朮滓如前再煎諸藥滓服之

淵然真人奪命丹

專治一切發背陰疽疔瘡惡瘡無名腫毒服之便起發有頭不痛者

服之便痛已成者服之立愈此乃惡證藥中至寶也雄黃三錢蟾酥麝香沒藥銅綠各二錢血竭膽礬寒水石各一錢輕粉麝香龍腦各半錢蝸牛二錢一箇連殼用蜈蚣一條酒炙右為末蝸牛研作泥和丸菴豆大若丸不就以酒煮麪糊和為丸朱砂末二錢為衣每服只二九先以葱白三寸病人嚼爛吐在手心男左女右將藥丸在葱內以熱酒二四盞送下衣服蓋覆約人行五里久再以熱酒數盃助藥力發熱汗大出為度如無汗再服二九

飛龍奪命丹

鑒

### 五香連翹湯

治癰疽瘡癰癰瘰癧結核一切毒腫大黃一錢連翹射干獨活升麻桑寄生沉香

藿香木香丁香甘草各七分麝香三分

### 五利大黃湯

治年少壯患癰疽氣血盛多二便秘澀大黃煨二錢黃芩升麻梔子芒硝各一

錢二分右剉作一貼水煎服以利為度

### 化毒丹

治百種惡瘡毒腫初覺宜服草烏醋浸炮浮石燒赤醋淬七次另研各一兩乳香沒藥各

五錢另研巴豆去皮四十九箇另研右末醋麪糊和丸如豌豆大冷酒下五丸或七丸以利為度

### 托裏散

治癰疽潰後久未收斂以此補托人參黃芪各二錢白朮陳皮當歸熟地黃白茯苓白芍

藥各一錢半甘草一錢右剉作一貼水煎服

### 黃連消毒散

治癰疽發腦發背腫毒焮發麻木不痛宜先灸之服此藥黃連羌活各一錢二

分黃芩黃柏藁本防己桔梗各七分生地黃知母獨活防風連翹當歸尾各六分人參甘草各五分

蘇木陳皮澤瀉黃芪各四分右剉作一貼水煎服  
○元好問嗜酒腦下項上出小瘡不痛痒四日  
後腦項麻木腫勢外散熱毒炊發夜不得寐邀東  
垣治之先灸艾百壯始覺痛次製此藥服之而愈  
一名黃連  
消毒飲  
瘰

### 內托羌活湯

治足太陽經分尻臀發癰疽堅硬腫痛  
羌活黃柏酒製各二錢黃芪一錢半防  
風藁本當歸尾各一錢連翹蒼朮陳皮甘草各五  
分肉桂三分右剉作一貼水二盞酒一盞同煎服  
瘰

### 仙方活命飲

治一切癰疽毒腫未成者內消已成者  
即潰排膿止痛消毒之聖藥也大黃五

錢金銀花三錢當歸尾皂角刺陳皮各一錢半乳  
香貝母天花粉白芷赤芍藥甘草節各一錢防風  
七分沒藥五分穿山甲三片燒另研右剉作一貼  
用好酒入瓦罐封口煎熟隨瘡上下飲之服後再  
飲酒二三盃側卧而睡忌酸物鐵器○如在背  
角刺為君在腹白芷為君在四肢金銀花為君



清熱消毒飲

治癰疽陽證腫痛熱渴金銀花二錢赤芍藥生地黃川芎各一錢半當歸黃連

山梔連翹甘草各一錢  
右剉作一貼水煎服

癰疽內托法

癰疽因積毒在藏府當先助胃壯氣使根  
本堅固而以行經活血藥為佐參以經絡

時令使毒氣外發施治之早可以內消此內托之  
意也。一切瘡腫始覺患起高腫五七日忽平

陷者是內攻之候急以內托散及內補湯藥補填  
藏府令實最怕透膜膜穿十無一生矣。○癰

疽初生一二日便覺脉沉細而煩悶邪毒猛暴恍  
惚不寧外證深沉者當用托裏散。○見內托散

○癰疽熾于外根盤不深形證在表其脉多浮非  
氣盛則必侵于內急須內托宜復煎散。○見除濕

散。○托裏使胃氣和平榮衛俱行則邪氣不能內侵也  
○托裏宜用十宣散加味十奇散千金內消散

托裏消毒散千金托裏黃芪散。○托裏歸托裏散內托千金  
散仙傳化毒湯托裏黃芪湯托裏茯苓湯穿山甲

散秘方奪命散。○癰疽經久不差氣血漸衰膿汁  
清稀瘡口不合外證不明並宜托裏膿未成者使

膿速成膿已潰者使新肉早生血氣虛者補之陰陽不和者調之太抵托裏之法使瘡無變壞之證

精矣

### 十宣散

治一切癰疽瘡癤已成者速潰未成者速散敗膿自出惡肉自去止痛排膿生肌其效如神

神人參黃芪鹽水浸蒸焙當歸酒洗厚朴薑製桔梗肉桂川芎防風白芷甘草各等分末每三錢

溫酒調服不飲酒者木香湯調下○一名千金內托散○一名托膿內補散一名護壁都尉服

之去舊生新○冬寒宜用夏月內托復煎散為佳

### 內托散

治癰疽潰後內虛或氣弱人生瘡即上十宣散加白芍藥一味也

### 加味十奇散

治癰疽已成未成服之內消或年衰氣

並防風桔梗厚朴甘草乳香沒藥各等分末每三錢溫酒調服不飲酒麥門冬湯調下○一名

固壘元帥即上十宣散加乳香沒藥二味也



升陽益胃散

治腦疽背癰一切惡瘡能內托連翹一錢半知

母生地黃黃芩桔梗生甘草各一錢澤瀉七分獨

活防風黃連黃柏入參陳皮當歸稍蘇木酒防己

各五分右剉作二貼每貼水二大盞浸半日煎

至一盞滴酒數十點去滓臨卧溫服忌飲水三日

內服之立消作膿者立潰此方陽藥七分陰藥三

分勝十宣散一名復煎散或加乳香沒藥各一

錢尤妙疎○此方與黃連消毒散略同疎

千金內消散治癰疽及腸癰肚癰便毒初起即消已

花二錢當歸尾酒洗一錢半赤芍藥白芷木鱉子

去殼沒藥乳香皂角刺白礬蚕瓜蔓仁天花粉各

一錢甘草節五分穿山甲三大片蛤粉炒右剉作

托裏消毒散

凡癰疽服此則未成即消已成即潰能壯氣血使毒氣不致內攻肌肉易生金

同醫金

銀花陳皮各三錢黃芪鹽水炒天花粉各二錢防風當歸川芎白芷桔梗厚朴穿山甲炒焦皂角刺炒各一錢右剉作二貼每用一貼酒

內托千金散

治一切癰疽惡瘡能內托金銀花人參黃芪赤芍藥當歸川芎瓜蒌根白芷桂

皮桔梗防風甘草各一錢右剉作一貼水煎去滓入酒半盞調服日三服後瘡口有黑血出或遍身

汗出是藥之功效也

仙傳化毒湯

治癰疽發背乳癰一切無名腫毒未成立消已成立潰金銀花天花粉各一錢

二分防風黃芩甘草節白芍藥赤茯苓貝母連翹白芷各一錢半夏七分乳香沒藥各五分右剉作

一貼酒水相半煎服

托裏黃芪湯

治癰疽潰後膿多出內虛人參黃芪當歸桂皮白茯苓遠志麥門冬五味子各

一錢右麤末水煎服或前湯服





### 托裏茯苓湯

治同上白茯苓藥防風桔梗五味子川芎麥門冬

桂皮熟地黃甘草各七分  
右剉作一貼水煎服

### 穿山甲散

治癰疽托毒排膿及五毒附骨在藏府托裏出毒氣止痛內消蜂房一兩蛇退穿山

甲油幾灰各二錢半右為末每服  
二錢入乳香末半錢煖酒調下

### 秘方奪命散

治一切癰疽無名惡瘡能內托令自消  
天花粉二錢穿山甲蛤粉炒赤芍藥甘

草節各一錢防風白芷皂角刺金銀花陳皮各七  
分當歸尾貝母乳香各五分右剉作一貼好酒一

大碗煎服

### 陰疽起發法

凡背發大瘡惟發熱則謂之背若不發熱  
皆癰也其有陰證於五藏內發者却又沉

晦無熱○疽者上之皮夭以堅如牛領之皮不  
○癰疽陰證頭平向內沉黯不痛渾身及患處不

熱宜服當歸酒以排膿內補散鯽魚加味不換金  
正氣散防見為佐無以米舖猪蹄腎肉為養養麥

麩能發起可煮食之如更不起發可用穿山甲頭

貼用棘桂當歸麻黃煎酒調服外取薑汁和麩厚

塗患處搗○陰疽宜服仙方活命飲秘方奪命散

### 當歸酒

治陰疽棘桂五錢當歸四錢木香白芷各二

末半錢調服

### 雞血散

治癰疽陰證赤雄雞剪去冠尖少許倒提滴

瘡自愈內以人參六兩分六貼盡日煎服

### 狗寶丸

專治癰疽發背附骨諸般惡腫將發時先覺

藥主之粉霜黃蠟各三兩礞砂五錢蟾酥輕粉雄

香一分金頭蜈蚣七條黑狗膽臘月者一箇鯉魚



放在罐內慢火化開次將各藥末和成劑丸如葦  
豆大每三九至五九用白丁香七箇研爛和新汲  
水送下少頃以熱葱白粥投之衣被蓋定汗出為  
效如無此藥以淵然真人奪命丹衣被蓋定汗出為  
一名寸金丹二名返魂丹三名再生丸四名追命  
丹五名延壽丹六名來甦丸七名知命丸八名得  
道丸若有瘡身未爛服三九則便活如噤  
口幹開牙關研下三九立生非人勿示

### 賽命丹

治癰疽發背疔瘡乳癰魚口便毒一切無名  
腫毒賽飛龍奪命丹防蟾酥朱砂雄黃膽

礬血竭乳香沒藥各三錢蜈蚣麝香各五分細辛  
全蝎蟬退穿山甲白殭蚕猪牙皂角各六錢白礬  
以信石少許同枯去信石片腦各五分右為末端  
午日以酒糊和丸葦豆大每三九以葱酒一小鍾  
吞下被蓋出汗或吐或不汗再服白粥調理

### 四虎散

治癰疽腫硬如牛頭皮按之方痛大南星草  
烏半夏生狼毒各等分右為末醋蜜調付留

頭出毒  
氣壅

發腦發鬢發眉發頤發背是爲五發至險  
其證皆令人頭痛惡心寒熱氣急拘攣宜

處重着如負石不可用香燥  
疏泄之藥宜腎氣丸  
處重着如負石不可用香燥  
疏泄之藥宜腎氣丸



冷宜黃連消毒散坊見。若腫痛口渴好飲熱湯為腎虛陽火熾宜

托裏消毒散坊見。托裏益氣湯腎氣丸。若色黃

不潰不斂為陰精消涸名腦爍不治。發鬢因怒

火宜柴胡清肝湯鬱怒者十六味流氣飲註頭

者仙方活命飲方觀。發頤最險毒氣灌注頭

面腫大可畏牙齒亦脫宜內疎黃連湯千

金漏蘆湯一方。通用玄靈散心

五香散治陰陽之氣鬱結不消結核腫痛或似癰瘡

等分為。入寒熱頭痛木香丁香沉香乳香麝香各

服一。方無麝香有。藿香煨

### 五香湯

宜用此。透達經絡木香沉香丁香乳香麝香

甘草各五分。人參黃芪犀角屑各一錢

### 二香散

治癰疽因風氣食三證而生。通用此調暢胃

氣益智仁縮砂仁各三錢。木香藿香白豆蔻

白茯苓半夏麴厚朴陳皮蒼朮甘草各一錢半。丁

香七分半。右為麝末。每服三錢。薑五片。棗二枚。同

水煎服

# 黃甘散

治外因四氣生癰疽大黃半生半熟甘草節各等分右為末每二錢空心酒調服以利為

度

# 連翹敗毒散

治癰疽初發憎寒壯熱甚者頭痛拘急狀似傷寒四五日前二三服輕者自消

若不消宜服仙方活命飲羌活獨活柴胡前胡桔梗川芎赤茯苓金銀花枳殼連翹防風荊芥薄荷甘草各七分右剉作一貼入薑三片水煎服

# 遠志酒

治七情內鬱成癰疽遠志酒一盞調末三錢澄清取飲以滓傳患處○

有死血陰毒在中則不痛而傳此即痛○或蘊熱內蓄內鬱則痛不可忍而傳此即不痛○則手不可近傳此必清涼

# 獨勝散

治癰疽結硬聚毒作痛蓋此疾多因怒氣得之宜服此香附子并云皮毛爭薑汁浸一宿



晒乾為末每二錢白湯調下或甘草紫蘇葉煎湯調下數服腫硬自消有膿即出

國老膏

治癰疽能消腫逐毒使不內攻大甘草二介槌碎河水浸一宿揉令漿汁濃盡去筋滓用

綃瀝過以銀石器慢火熬成膏分六次溫酒或白湯調下能疎導惡毒

槐花酒

治百種瘡毒初覺五發癰疽雖有大勢服此即退槐花四兩炒香入清酒二碗煎數沸去滓

滓盡服即消若未消再進一服

蠟礬丸

治癰疽發背癰癰瘻瘡惡瘡衛護內膜驅解諸毒自然內消如因藥毒發疽非此莫治黃

蠟二兩八明白礬末四兩衆手和勻作丸梧子大每三十丸溫酒或熟水下日二服內疽腸癰尤妙

門

當歸羌活湯

治五發癰疽膏梁熱鬱者最宜當歸黃芩連並酒製各一錢半酒黃柏連翹

防風羌活梔子甘草各七分獨活藁本各五分澤瀉三二分右坐作一貼水浸半日入酒一匙煎熟服

日二次三日盡六服却將藥清汁調下木香檳榔末各一錢

### 托裏益氣湯

治癰疽肉色不變或潰而不斂一切虛證白朮二錢人參白茯苓貝母陳皮香

附子白芍藥熟地黃當歸各一錢桔梗甘草各五分右剉作一貼水煎服

### 柴胡清肝湯

治鬚疽及肝膽三焦風熱怒火以致耳項胃乳脇肋腫痛寒熱柴胡二錢梔子

一錢半黃芩人參川芎青皮各一錢連翹桔梗各八分甘草五分右剉作一貼水煎服

### 玄靈散

治五發癰疽及諸般疔腫魚臍惡瘡腫毒稀發草一兩薊七箇燒灰乳香二錢右爲末

取二錢好熟酒調服連進三貼得汗爲效

### 癰疽作穴出膿法

用替鍼已作膿而頭不破膿不得出宜用替鍼九透膿散麝香散涌泉膏射

膿丸打膿散隔皮取膿法○鍼後閉合脹痛宜追毒餅○破穴入毒水作痛宜去水膏○九癰疽膿

成未破於上薄皮剥起者即當用破頭代鍼之劑安其上膿出之後乃用換膿化毒之藥取效如神



矣

# 替鍼丸

治癰疽膿成未破或膿出不快先以石灰五

五升瓦器盛貯臨用時以小盞盛取半盞濃汁却

用皮紙貼盞中濃汁面上安定然後取糯米十四

粒放一在紙上經一宿取用白丁香硃砂沒藥乳香

# 替鍼丸

治同上白丁香二十粒硃砂沒藥陳倉米各

清膿

# 透膿散

治諸癰瘡及附骨疽不潰者不用鍼刀一服

時許便出瘡口服一神效

# 麝香散

治癰疽已結而頭不破白丁香研一錢斑貓

醋調少許點瘡頭上立破  
急以黃連湯洗去之

### 涌泉膏

治癰疽軟而瘡頭不破或已破而瘡頭腫結  
無膿者斑猫去毒焙右為末研和蒜膏如小  
豆許點在膏藥中唯瘡口處  
貼之少頃膿出即去藥

### 射膿丸

糊白礬灰一錢黃丹一字砒礪五分右為末  
和熬作錠子粘在瘡頭上膿自潰出

### 打膿散

治癰疽不放膿出大黃五錢芒硝一錢半  
銀花黃芩黃連黃栢當歸尾各五分甘草節

穿山甲焦各三分半木鱉子虛者三箇實者五箇  
右剉作一貼水煎五更服大便見膿小便見血為  
效

### 隔皮取膿法

驢蹄肉焙蕎麥粉炒各一兩白芷五錢  
草烏四錢右為末水調作餅慢火炙

黃色去火毒為末醋調成膏攤厚紙上貼患處  
水自毛孔而出其膿自退諸形腫毒皆效

### 追毒餅

諸惡瘡因鍼後又閉合脹痛不可忍用此  
入瘡中永不閉膿水自出雄黃雌黃朱砂合



一錢砒礪半錢輕粉少許右細末糯米糊和  
九麥子大板瘡口中膿水自出瘡自乾好

### 去水膏

米麵各七錢半甘草生末二錢半右入熟水

少許為膏攤絹上貼之毒水自出  
馬汗及屎糞一切毒水皆治之

### 盥洗方

煎湯同上露蜂房白芷苦參川椒右

### 癰疽排膿生肌法

之癰疽潰後氣血大虛惟恐毒陷托裏

裏散十全湯神效托裏散聖愈湯蓋托裏則氣血

壯而脾胃盛膿穢自排毒氣自解死肉自去新肉

自生瘡口自斂矣門○瘡肉不斂由於肌肉不生

肌肉不生由於腐肉不去腐肉不去由於脾胃不

壯氣血不旺必以補托為主而佐以行經活血之  
藥則新肉自生死肉自潰又何待於點割耶  
九膿血出多陰陽兩虛十全大補湯虧覬補氣血  
進飲食有回生起死之功但不分經絡不載時令  
醫者觸類而長之可也或見腫平痛寬遂以為安

慢不知省無補養調攝之功愈後虛證復見因而轉成他病者多矣

### 托裏和中湯

治癰疽潰後氣虛飲食少思或嘔吐泄瀉久不收斂人參白朮各一錢半黃芪

白茯苓乾薑炮陳皮半夏各一錢木香甘草炙各五分右剉作一貼入薑三片棗二枚水煎服

### 芎歸托裏散

托裏排膿生肌川芎當歸白芍藥酒炒白茯苓各一錢二分人參

桂丁香甘草生各七分剉作一貼水煎服或為末每二錢米飲調下

### 加味十全湯

治癰疽潰後補氣血進飲食排膿生肌黃芪酒蒸熟地黃當歸川芎人參白茯苓

各八分芍藥炒白朮陳皮烏藥五味子桂心甘草各一錢

### 神效托裏散

治癰疽腫毒能托裏排膿黃芪忍冬草各三錢當歸二錢甘草一錢右剉作一

貼酒煎服

### 聖愈湯

治癰疽膿水出多心煩少睡能托裏補氣血熟地黃生地黃川芎人參各二錢當歸黃芪

各一錢右剉作一貼水煎服

### 托裏消毒飲

治癰疽潰後元氣虛弱久未收斂乃去腐生新之良劑也又治陰疽不潰發人

參黃芪白芍藥當歸白朮白茯苓陳皮連翹金銀花各一錢白芷甘草各五分右剉作一貼水煎服

門入

### 癰疽瘡口深大方

深山黃牛糞塞滿瘡內藤紙貼上三四日後去之最妙深山黃牛翼

百草故入藥。又白芷大腹皮露蜂房煎湯淋洗拭乾以黃桑葉晒為細末散糝其中常服排膿內

補散蠅蠟飲醇酒食肥肉自然生肌易合

### 癰疽去惡肉方

癰疽惡瘡口不合宜用藥消蝕之翠霞散貼生瘡口不合宜用藥消蝕之翠霞散貼

諸巴豆膏追毒丹去惡散消蝕散鹿角散雄黃散皆可用。癰疽惡瘡有死肉不去者白丁香霜梅為

未深則絀之淺則乾糝甚妙

巴豆膏

巴豆去殼炒焦研如膏如發背中央肉死塗之即腐未死塗之生肌惡瘡久不收斂

肉有毒根以紙撚蘸藥納之根去即斂如元氣虛弱毒氣散漫中央肉死急服大補之劑中塗三四寸許至五六日赤黯之界自裂紋如刀劃狀中央漸潰若脾胃太虛肉不知痛急補脾胃肉多復生

門入

追毒丹

治癰疽黑陷者用鍼開瘡口納此丹使之潰然後去敗肉排膿隨證治之巴豆七箇去皮

心不去油研細白丁香輕粉各一錢雄黃黃丹各二錢右為末和白麩三錢滴水丸如麥粒大鍼後納其中貼以膏藥追出膿血毒物漏瘡四壁死肌不去則不可治亦以此追毒去死肌乃養肉令愈

效得

去惡散

治癰疽及諸瘡有惡肉不能去者雄黃一錢巴豆一箇右同研如泥入乳香沒藥末各少

許又再研勻每取少許點上惡肉即去諸瘡有惡肉者膏藥內入巴豆雄黃不傷良肉只去惡

肉有死血不去  
白丁香上之煉

### 消蝕散

藥消蝕惡肉淫虫朽骨先用洗瘡方然後付此  
藥白礬枯一兩綠礬枯雄黃乳香胭脂遠志

各一錢右為末蜜水研膏  
付惡肉上麻油調亦得搗

### 鹿角散

主癰疽瘡腫去惡肉生好肌鹿角細末醋  
為糊貼之當頭上開孔被膠急撮膿自出盡

惡肉亦  
去矣斡

### 雄黃散

去諸瘡中惡肉雄黃末一錢巴豆一箇不去  
皮研如泥入乳香沒藥各少許再研細點上

惡肉自去○凡膏藥內入雄黃巴豆少許不傷  
好肉止去惡肉諸癰瘡有惡肉者皆可去

### 癰疽湯洗法

瘡家藏府生熟熱熬其血血敗則肉腐肉  
腐則成膿當膿血焮聚之時所賴朝夕洗

瘡以外舒其毒氣纔覺有膿即煖醋蘸熨而破之  
纔見破肉即煮藥盪射而去之稍或稽延不返掌  
而侵蝕筋骨矣○夫湯洗之法宣通肌表發散  
邪氣使瘡內消也蓋湯水有盪滌之功凡瘡腫初

生一二日須用藥湯淋射之在下部委曲者浴漬之如藥二  
腰腹背者淋射之在下部委曲者浴漬之如藥二  
兩用水二升煎取一升半以淨布或新綿蘸藥水  
稍熱濕漬患處稍涼則急令再溫勿用冷者日用  
五七次以腫消痛止為驗○初作宜宣熱拔毒  
外以洗滌角付以斂其暈已潰則排膿止痛朝夕  
洗滌以舒毒氣膿盡則生肌付痂次第施治  
○猪蹄湯凡瘡有口用此湯洗毒湯乾艾湯選用  
猪蹄湯解毒湯洗毒湯乾艾湯選用

### 猪蹄湯

凡瘡有口用此湯洗毒湯乾艾湯選用

並生甘草羌活露蜂房黃芩芍藥當歸各一錢右  
細剉投一半汁中再煎十數沸去滓以故帛蘸藥  
湯溫洗惡物令淨避風冷及穢

### 解毒湯

治癰疽未破已破皆洗如成膿潰爛最要洗

藥大黃白芷當歸獨活各二錢右細剉入葱白五  
莖大棗五枚水三升同煎去滓乘溫熏洗如潰爛  
入猪蹄一隻同煎用可免  
乾痛○一名水師精明得



洗毒湯

湯洗一切瘡腫苦參防風露蜂房甘草各二錢半右剉作一貼水煎取汁溫洗日二

乾艾湯

癰疽瘡口久不合肉白而膿血少乃氣血不潮于瘡冷滯而然陳艾葉濃煎取湯逐日溫

洗仍以白膠香燒烟熏之神異膏貼之方觀難

桑灰水

去瘡中膿血毒水桑灰淋汁浸洗

鹽湯

溫洗癰疽毒腫日二三次最妙

癰疽貼法

凡瘡腫初生似有頭者即貼溫熱藥引出熱毒火就燥之義也於四畔赤嫩處貼生

寒藥折伏熱勢驅逐邪惡乃撲火之義也腫皮薄者用疎者以故軟帛或紙花子塗藥貼之腫皮厚

紗或薄紙塗藥貼之乾則換易新者宜用乳香膏圍藥鐵井欄水澄膏沉水膏三神膏洪寶膏妙勝

散罇○貼膏藥之法瘡口有膿血不淨痂癢閉礙須用藥水洗淨拭乾候水氣乾却用膏貼貼後有

膿血止二三日一換貼至愈宜用神異膏萬應膏

靈應膏太乙膏雲母膏善應膏糯米膏歛瘡散桃  
花散紅玉散生肌散木香檳榔散竹筒吸毒方

○凡付貼之藥須  
是細末則不痛搗

### 乳香膏

治背瘡初發赤腫而高乳香一兩青薄荷葉  
四兩右研勻罨患處青絹蓋之如乾新水潤

之令熱毒消散  
減疼免牽引

### 圍藥

南星草烏黃栢白芨各二兩五倍子一兩炒右  
末水調如糊隨四圍貼如墻壁可移險處於不

險處如  
神驗

### 鐵井欄

治一切癰疽腫毒以此圍定不復畔開芙蓉  
葉重陽日前採蒼耳葉端午前採燒存性為

末蜜水  
調敷

### 水澄膏

治癰瘡熱毒腫痛黃連黃栢白芨白欽各四  
錢雄黃一錢乳香沒藥各五分左右末水調雞

羽掃上  
腫處

沉水膏

治癰疽發背排膿斂毒大南星七錢半白芨

乳香沒藥各二錢半雄黃一錢右為末蜜水調付紗貼

三神膏

治癰疽發背單麻子去殼四十九枚陳醋一椀半鹽一撮右同入鍋中熬之槐枝攪成膏

先以米泔洗瘡搽上留頂末成膿即消已成膿即出膿

洪寶膏

治一切腫毒散血消膿天花粉三兩白芷赤芍藥各二兩鬱金一兩右為末茶調塗患處

乾則換新

妙勝散

消腫斂毒排膿落地如膏花去白黃蜀葵花去心并萼日乾右為末并水稀調雞羽掃付患

處乾則再付或收毒平散或破潰出膿神效如瘡口開用末搽亦斂毒不急澁

神異膏

治發背癰疽及諸般惡毒瘡癰貼之其效如神○膏藥甚多效驗無出于此

萬應膏

治一切瘡疽初發焮腫或老瘡不

差亦令收斂早合貼之神效

靈應膏

治五發癰疽惡瘡癰瘰結核乳癰貼之則未

○一生其效如神  
○一名麥飯石膏

太乙膏

治五發癰疽一切惡瘡及蛇虎犬蝎并湯火

則蛤粉為衣○一名  
神仙太乙膏

雲母膏

治一切癰疽惡瘡腫毒折傷癰瘰骨疽內疽

發及發背外以敗蒲煎水洗瘡貼之又取一兩作  
丸梧子大溫酒吞下三十九丸瘰癧骨疽亦如之  
癰作丸甘草湯吞下下膿血即愈  
一切瘡疽外貼立差忌食羊血蠶

善應膏

治諸般腫毒惡瘡發背腦疽癰瘰打撲閃肭

服○內疽肺癰腸癰  
作丸如上法服

糯米膏

淨糯米三升入磁盆內於端午前四十九日  
以冷水浸之一日兩度換水勿令米碎至端

午日取出用綃袋盛之風乾每旋取少許炒黑  
末冷水調成膏量瘡大小貼之綃帛包定直候瘡

愈為度乾則換  
常令濕為妙

### 歛瘡散

軟滑石煨花藥石煨雞內金各五錢白芨三  
錢半白歛二錢半黃丹乳香各一錢右為末

乾  
效  
搗  
神

### 桃花散

治一切瘡久不合白芨白歛黃柏黃連乳香  
麝香黃丹各等分右極細末糝瘡上二三

生肌平  
滿心

### 紅玉散

治諸瘡生肌肉寒水石不以多少鹽泥包裏  
火煨右為末入黃丹少許糝瘡上○諸惡

瘡血出不止寒水石  
細末糝之立止

### 生肌散

寒水石滑石龍骨無側頭烏賊魚骨各一  
兩定粉密陀僧白礬灰乾胭脂各五錢右為

極細末糝之○一方老狗頭生腦骨碎煨桑白  
皮新者一兩當歸二錢半右極細末油調付或

糝

# 木香檳榔散

治癰疽瘡癤潰後膿水不止肌肉不生

水調塗濕則乾糝膏梁熟瘡  
所宜用○一方加黃丹燭

# 竹筒吸毒方

治癰疽丁瘡腫毒及諸般惡瘡吸出膿

二寸許一頭留節薄削去青皮以蒼朮白欬日蒸  
蒸厚朴艾葉白芨茶芽各三錢右為麤末

水二升同煮十數沸棄竹筒熱以手按於瘡上候  
膿血水滿自然脫落不然用手拔脫更換新筒如

此三五次其毒盡  
消即付生肌膏

# 內外分癰疽

內疽者皆因飲食之火挾七情之火相鬱

其發在腔子而向裏非干腸胃育膜也謂之內疽  
者以其視之不見故名焉○發於內者曰肺癰

心癰肝癰腎癰胃癰腕癰腸癰腹癰○發於外者曰  
背癰乳癰臂癰懸癰便癰囊癰附骨疽流注骨疽

疔疽○內疽施點陰膠法次服仙方活命飲坊見

而愈先用四物湯調理雲母膏太乙膏香附生薑煎服

### 點陰膠法

欲知府內起直達至住處知痛足可醫也陰

膠即是久用醃中氣垢也○雷

### 肺癰

○中府欲隱喘而兩肱滿肺癰吐膿如糯米粥咽燥

振寒○振寒起居如故此為癰腫膿在胃中為肺癰其脈緊

數為膿未成緊去但數為膿已成難治其面色白而

後其脈短而澁者自痊浮大者難治其面色白而

喘短氣者此火之克金不可治○如糯米粥者難治其

嘔膿而自止者自愈○始萌可救膿成多死○

參蘇飲○肺癰咳而胃膈隱痛先投小青龙湯四

臭實者先投參蘇飲四貼虛者先投小青龙湯四

貼方觀寒門○肺癰口燥咽乾胃中隱痛二便赤  
澁咳唾膿血腥臭置之水中則沉宜用桔梗湯消

膿飲葦葉湯黃昏湯五香白朮散牡丹皮湯參芪  
補肺湯參朮補脾湯○肺癰之證男子以氣為

主得之十救二三婦人以血為主得之十全七八  
歷試屢驗○雲母膏作丸服太乙膏亦可

### 桔梗湯

治肺癰桔梗貝母各一錢枳殼桑白皮防風黃芪各七分

杏仁百合甘草節各五分左右剉  
作一貼入薑五片水煎服

### 消膿飲

治肺癰嘔膿南星炮一錢射干桔梗天門冬  
薄荷紫蘇葉杏仁半夏防風各七分半知母

貝母阿膠川芎生乾地黃桑白皮白芨白芷甘草  
各五分右剉作一貼薑七片烏梅一箇水煎服

### 葦葉湯

治肺癰心胃甲錯咳喘煩熱薏苡仁冬瓜仁  
桃仁各二錢坐先以葦葉一握水二盞煎取

一盞去滓入三藥煎至六分  
去滓食後服吐膿血勿怪

### 黃昏湯

治同上夜合樹皮一掌大  
水煎服即合歡皮也





# 五香白朮散

治肺癰生肺金益脾土進飲食人參白朮山藥白茯苓薏苡仁白扁豆桔梗縮

砂蓮肉白豆蔻甘草各二錢沉香木香乳香丁香藿香各一錢右為末每三錢蘇鹽湯調下大棗湯

亦可

# 牡丹皮湯

治肺癰胃乳間皆痛口吐膿血氣作腥臭牡丹皮升麻桔梗薏苡仁地榆黃芩赤芍

藥甘草生各一錢三分右剉作一貼水煎服

# 一方

一少婦膺間潰一竅口中所咳膿血與竅相應而出宜大補氣血以參芪當歸加退熱排膿藥

多服無取雲母膏作丸甘桔湯吞下而愈

# 參芪補肺湯

治肺癰咳吐血膿血發熱作渴熟地黃一錢半牡丹皮一錢人參黃芪白朮白茯苓

苓陳皮山茱萸當歸山藥五味子麥門冬各七分甘草炙五分右剉作一貼薑三水煎服

# 參朮補脾湯

治肺癰生肺膿血久不愈脾弱不食此藥能補脾生肺黃芪二錢人參白朮各一

錢半陳皮當歸白茯苓各一錢麥門冬七分桔梗六分甘草五分五味子四分升麻三分右剉作一貼薑三水煎服

### 心癰

巨闕欲隱隱而痛者心疽上肉微起者心癰也。○心癰者心經有熱或好飲酒或嗜熱物積聚成

熱凝滯而生先用涼血飲次服加味十奇散。○心癰者於胃乳間生蜂窠癰發靈樞經所謂一名井疽狀如豆大三四日起不早治則入於腹七日死急用疎導心火之藥宜用清心丸清心散內固清心散

### 涼血飲

治心癰退潮止渴解熱能內消木通瞿麥荊芥薄荷白芷天花粉赤芍藥麥門冬生乾地

黃梔子車前子連翹甘草各八分右剉作一貼入燈心竹葉水煎服。○一名引兵先鋒

### 清心丸

諸痛痒瘡瘍皆屬心火此藥主之黃連一兩茯苓神赤茯苓各五錢右爲末蜜丸梧子大米

飲下百丸

清心散

治心癰及癰疽熱證遠志赤茯苓芍藥生乾地黃麥門冬知母甘草生各一錢右剉作

煎服加黃連尤佳

內固清心散

治心癰及癰疽惡瘡煩躁以此解毒神效辰砂赤茯苓人參白豆蔻雄黃菴豆

朴硝甘草皂角各一錢蜜水調下

瀉心湯

治心癰及癰疽毒盛躁渴大黃一錢半黃連黃芩山梔子漏蘆澤蘭連翹蘇木各七分右

剉作一貼水煎服

肝癰

期門欲隱隱而痛者肝疽上肉微起者肝癰也發於腋下赤堅者名曰米疽治之以砭石其堅

而不潰者為馬刀挾癭急治之癰○臨癰由肝心火盛宜柴胡清肝湯助見潰後方可清熱托裏忌

熱藥○小柴胡湯隨證加減用寒熱

腎癰

京門欲隱隱而痛者腎疽上肉微起者腎癰也○腎癰乃與內腎相對

皆由腎氣衰敗而成突起皮赤者易安隔入皮黑者難差宜加減八味元虧視加味十奇散方觀效

五藏癰疽俱宜十味流氣飲或托裏散方見加

# 十六味流氣飲

治癰疽無名惡腫等疾乃表裏氣血

枳殼川芎肉桂白芍藥檀榔白芷厚朴紫蘇葉烏藥甘草各六分右剉作一貼水煎服

## 胃脘

癰帝曰人病胃脘當沉細沉細者氣逆也逆者人

迎甚盛甚盛則熱人迎者胃脘也逆而盛則熱聚於胃口而不行故胃脘為癰也

隱隱痛者胃脘癰也。脈洪數者膿已成也。隱隱痛者胃脘癰也。脈洪數者膿已成也。隱隱痛者胃脘癰也。脈洪數者膿已成也。

因飲食及七情火鬱復感風寒使熱濁之氣其塞胃脘胃中清氣下陷故胃脘脈沉細惟寒氣所隔故

人迎緊盛有此二脈真胃脘癰也。外證寒熱如瘧胃濁則肺金失養故身皮甲錯或咳或嘔或

唾膿血射干湯主之千金內消散方見內消沃雪湯東垣托裏散皆可服又雲母膏作丸以桔梗甘



草湯吞下太  
乙膏亦佳

### 射干湯

治胃脘癰赤芍藥二錢半射干梔子赤茯苓  
升麻各一錢半白朮一錢右剉作一貼水煎

去滓入生地黃汁一合蜜  
半合再煎一沸溫服

### 內消沃雪湯

治胃脘癰及肚癰內疽神效當歸身白  
芍藥甘草節黃芪射干連翹白芷貝母

陳皮皂角刺天花粉穿山甲金銀花木香青皮乳  
香沒藥各五分大黃酒製一錢半右剉作一貼酒

水相半  
煎服

### 東垣托裏散

治胃脘癰內疽及一切惡瘡始發腫痛  
脉洪數弦實將欲作膿者三服消盡金

銀花當歸各二錢大黃牡蠣瓜萋根皂角刺連翹  
朴硝各六分赤芍藥黃芩各四分右剉作一貼酒

水相半  
煎服

## 東醫寶鑑雜病篇卷之七